

河防一覽目錄

卷之一

祖陵圖說

皇陵圖說

兩河全圖說

卷之二

河議辯惑

卷之三

河防險要

卷之四

修守事宜

卷之五

河源河決考

卷之六

泗州先春亭記

賈魯河記

河源記

于都憲題名記畧

鑿徐洪記

鑿呂梁洪記

奈太常全河說

止泃河疏

止膠河疏

卷之七

經畧兩河疏

部覆前疏

河工事宜疏

部覆前疏

勘估工程疏

部覆前疏

卷之八

恭報續議工程疏

查復舊規疏

部覆前疏

申明鮮貢船隻疏



部覆前疏

報塞黃浦疏

河工告成疏

黃河來流艱阻疏

申飭徐北要害疏

卷之九

覆議善後疏

覆議河工補益疏

高堰請勘疏

計議淮南未盡事宜疏

申飭鎮口閘禁疏

部覆前疏

卷之十

河工分派司道疏

部覆前疏

議留河工米銀疏

部覆前疏

申明修守事宜疏

部覆前疏

議守輔郡長隄疏

部覆前疏

恭誦綸音

部覆前疏

卷之十一

添設管河官員疏

申明河南修守疏

停寢訾家營工疏

部覆前疏

修復湖隄疏

就近銓補分司疏

就近銓補河官疏

查議通濟閘疏

部覆前疏

河工告成疏

贈卹司官疏

卷之十二

甄別司道疏

部覆前疏

申明鮮船疏

部覆前疏

申明職掌疏

部覆前疏

縣官輕忽河務疏

旱久泉微禱雨疏

添募夫役以裕河工疏

官旗挾帶私貨疏

部覆前疏

恭報三省直隄防告成疏

河上易惑浮言疏

畫地巡守疏

申明修守泗隄工完疏

議創石隄疏

會勘徐城鎮口疏

工部覆前疏

報消泗水疏

併勘河情疏

卷之十三

請遣大臣治河疏

科道會勘河工疏

科道進圖說

條陳善後事宜疏

條陳河工補益疏

條陳治安疏

中州河防要害疏

部覆前疏

卷之十四

查理沁衛二河疏

河工大舉疏

欽奉查理河漕疏

南直隸工程

酌議河道善後疏

祖陵當護疏

欽奉查理河漕疏

山東工程

清復湖地疏

目錄





奏疏

甄別司道疏

臣補李馴謹

題爲疏導

明台甄別司道官員以重河漕事案照萬歷十六年

十一月內准工部咨該臣題爲恭誦

綸音不勝感奮謹陳治河鄙見伏候

南甯分司主事王... 濟寧兵河副使曹... 巡河... 奏疏

宸斷事覆奉

聖旨是近年河道官員不循遵守修防事宜因循廢弛致有踈虞却又紛紛建議意見雜出何裨實事今務遵明旨加謹防禦每年終總河官將所屬河道部司等官甄別具奏欽此除欽遵外臣竊惟南北運道不啻三千餘里總河之臣以一身彈壓于其間豈能家喻而戶曉日省而月視哉所賴于承宣者司道諸臣也司道不得其人則河情難于上達法禁苦于下壅

鮮不誤矣我

皇上留心國計

軫念民生

特降明綸諭以得人爲要仍

頒嚴旨假以甄別之權此實地方之福河臣之幸也  
敢不仰承

德意悉心諮訪以圖報稱哉臣查得自北直隸以至  
浙江專管河道者部臣伍道臣貳兼管河道  
者部臣叁道臣拾壹今當萬曆十七年已終

相應奉

旨甄別內除蒞任方新伏秋修防未經委任及浙江水利道係臣原籍恐違近例不敢槩舉外以部臣言之如中河分司郎中沈修虛中推能受善廣益出自和衷不假聲色而推赤心以鼓羣工罔炫新奇而順水道以收羣策北河分司郎中吳之龍直諒固是本真敷施尤多諳練勿喜更張而因革自有條理無爲苛刻而章程具見整嚴南河分司郎中黃日謹勤

恪足應糾分老成不事粉飾始任卽值橫流  
而疏濬獨苦施工必勤荒度而防禦有方臨  
清板閘分司員外何應奇性不徇人政能剔  
蠹司輓司閘而遇事皆有規條任怨任勞而  
一心惟知法紀南旺分司主事王元命卓有  
古雅之風絕無脂韋之態言若不出而泉閘  
庶務聿興體若不勝而官夫奉行惟謹夏鎮  
分司主事余繼善通敏可當一面才諳克濟  
時艱濁流四溢而兩月悉就安全諸作並興

而一身不遺餘力以道臣言之如徐州道山東按察使陳瑛胼胝已及十年忠勞真如一日胸抱全河而區裁有同指掌志專報

主而注厝不異承蠲分守東兗道管泉叅政郝維喬涵養定而吐茹不形器識高而張弛自裕導泉防河之曲當澤民利

國以咸宜分守濟南道管泉叅政楊芳秉長駕遠馭之才有憂勤惕厲之意釐析河泉之源委而擘畫甚當稽查額課之逋負而工費允資

河南管河道副使陳九仞精勤率屬而事在  
先勞績密分猷而言可底績禦狂瀾一身如  
棄躬畚鍤萬苦不辭濟寧管河道副使曹時  
聘心事如青天白日才華若流水行雲昔守  
鳳郡而防淮之譽已彰茲擢東藩而治河之  
功尤茂蘇松兵備道副使李涑才可斷犀智  
能先物當庶務旁午之日而疏鑿必親值天  
時旱魃之秋而閭閻允附大名兵備道副使  
于文熙卓犖不事詭隨誠確雅能肩仔疏濬

衛水而

王舟無阻滯之患議建隄防而魏民有保彰之功  
霸州兵備道副使蔣科才猷不尚揮霍趣向  
自是高明流沙之通澀不常運渠之疏築知  
謹以上諸臣職任雖有不同要之公廉勤恪  
皆爲一時之選所當薦揚者也內如郎中黃  
曰謹蒞事雖僅九月修防已畢一年按察使  
陳瑛副使陳九仞近報陞任尙未交代叅政  
楊芳副使曹時聘見任雖未及期前官俱兼



河務皆臣所轄之地似應并薦者也如蒙  
敕下該部再加查議如果臣言不謬將諸臣次第轉  
擢而中間相應久任者查照原

題施行庶幾防禦得人而地方永賴矣謹題請

旨奉

聖旨該部知道

工部覆前疏

題爲欽遵

明旨甄別司道官員以重河漕事該總理河道右都

御史潘季馴題前事奉

聖旨該部知道欽此該部看得總理河道右都御史  
潘季馴題稱自北直隸以至浙江專管及兼  
管河道部司諸臣除浙江係河臣原籍恐違  
近例不敢概舉乞將中河郎中等官沈修等  
徐州道按察使等官陳瑛等次第轉擢中間  
相應久任者查照原題施行一節爲照漕河  
事規分理防守固在郡縣承宣督率尤賴部  
司乃往歲薦將獨及郡縣而部司不與甚非

所以重綜覈昭勸懲也近該河臣題奉

明旨通行甄別茲當十七年歲終照例具題前來相

應如議題

請恭候

命下咨行吏部將部臣沈修吳之龍黃日謹何應奇  
王元命余繼善道臣陳瑛郝維喬楊芳陳九  
仞曹時聘李淶于文熙蔣科通行紀錄次第  
轉擢內郎中沈修查照原題久任候九年考  
滿另議擾擢及照蘇松兵備係暫管河務彼

江南水利既設有專官今後年終仍查水利  
官舉劾其浙江水利據河臣稱係原籍遵例  
不敢概叙但查近例原籍迴避特爲南道御  
史點差而設若都御史統轄地方廣遠原不  
在此例如各邊及漕運總督有所舉刺雖原  
籍亦所不遺總理河道與總督體統相同則  
事權不宜獨異况全河形勢南自兩浙歷江  
河淮濟以達京師凡數千里若一身之脈絡  
然倘偏而不舉則脈絡不得貫通事權不得

歸一合無今後每年終查覈各司道府州縣如南北兩直隸浙江河南山東凡與河道相干涉者無論原籍與否一體舉劾併乞

聖裁移咨總理河道及南北直隸浙江河南山東各巡撫都御史及咨都察院轉行各巡按御史遵照施行奉

聖旨是各該司道等官但與河道相干的着總理官一體甄別

申飭鮮船疏

臣潘季馴謹

題爲乞

恩查復舊規以利漕渠事據管理南河郎中黃曰謹  
呈前事查舊例淮安通濟閘外每年伏水  
未發之前築攔河土壩以遏黃流內灌所有  
進貢鱗魚鮮船限在五月初發行伏前過淮其楊  
梅等船聽將馬快空船預撥壩外停泊盤剥  
節經遵行已久及照上年前船俱不預先出  
口以致築壩過期黃水暴漲倒灌裏河淤墊

挑濬甚爲不便近來黃河漲發多在未入伏  
二十日之前勢猛難禦則口壩之築須爲早  
圖合無移文南京兵部并守備衙門速將

鮮貢船隻催償發行并撥馬快船隻依期於五月

中旬俱令由日本司預備物料定於六月初

一日築壩合口庶壩工早竣河道無虞等因

到臣案照萬曆八年先該臣總理河漕會同

漕撫前任都御史江一麟題該工部覆議查

得正德嘉靖年間五月已有鱒魚到京且旣

稱鮮品尤宜早

進既係薦

廟尤諒及時但近年以來

進鮮每於採鮮既完之後方行措辦裝具附載貨物勾當稽留動踰旬日沿途淹頓又致愆期比至

京師則色味俱變不惟有礙築壩且於

薦鮮之義亦甚無當也卽據守臣回稱鱗魚例在五

月初旬採完蓋四月二十日前後已行採矣



若隨船器用如冰鹽之類預備停當一經採  
完卽便發行不過半月卽可過淮正是伏前  
自於築壩無礙至於楊梅等物又與鱔魚不  
同卽至壩成不妨盤剝以後年分鱔魚

鮮船定限五月初頭發行伏前過淮楊梅等船從  
便聽將南京馬快空船於未築壩之先預撥  
過淮停泊壩外以俟盤剝則

上供既無後時之虞

國計亦得先事之備所關於築壩治漕者寔非小

江防一覽 卷之二  
補等因題奉

聖旨是欽此備咨通行欽遵外今據該司所呈近來  
黃河水發太早卽如去歲五月二十日水汛  
陡漲其流愈濁馬船到遲致誤築壩裏河受  
淤挑濬工鉅乞要預催

鮮船早放出口一節委屬喫緊臣又查得徐北鎮  
口閘外清黃交接黃河暴漲內灌成淤已經  
題奉

欽依黃漲之時下板閉閘以防內淤若

貢艘少遲南誤出口北誤入閘兩相妨礙况鮓魚  
出在四月自應及時採取若船隻冰鹽預先  
備辦採完卽發則半月之內准可過淮出口  
非惟蠲工不誤而恭

進品物較常必更鮮美今據該司擬于六月初一  
日築壩似爲長便伏望

皇上軫念河漕

薦新均屬重務

敕下該部如果臣言不謬咨行南京兵部及內守備

衙門預將鱗魚

鮮船合用器具冰鹽先時料理完備一經採完隨  
卽督發嚴諭在途不許遷延期在五月十五  
左右兩運盡數過淮趲趲伏水未發早進鎮  
口聞河其餘

貢船預撥馬快空船照限出口停泊外河以俟盤  
剥仍聽臣預行該司辦完壩料將通濟聞外  
輓壩準在六月初一日合口庶幾

貢期不爽河防有裨矣謹題請

旨奉

聖旨該部知道

工部覆前疏

題爲乞

恩查復舊規以利漕渠事該總理河漕兼提督軍務  
都察院右都御史潘季馴題前事奉

聖旨該部知道欽此欽遵抄出到部送司案呈到部  
看得淮安通濟閘徐州鎮口閘當黃河南北  
之衝故每年五月間黃水未發將

鮮貢船隻催償過盡南則築輓壩以遏橫流北則  
閉閘口以禦淤墊屢經題奉

明旨禁例森嚴遵行已久乃近年

鮮船未行之前則器具冰鹽失于先治既發之後  
則附載貨物沿途遷延如上年黃水陸發太  
早

鮮船出口太遲遂致築壩不前幾成大患是以河  
臣潘季馴先事預防申明舊制要在四月採

鮮五月過淮六月初一日築壩較之往年稍

加督速而

貢品愈致鮮美開壩俱得蚤圖深爲長便相應如  
議覆

請但

進鮮船與官民船不同法禁難行事多阻撓日非  
天語丁寧未免遷延如故伏望

皇上俯念軍國大計將

鮮貢限期特降

嚴旨容臣等咨行兵部轉咨南京兵部及守備衙門

務要依期採辦作速啟行限在五月十五日  
前後兩運盡數過淮入口但有稽遲至六月  
內者許河臣叅奏重處仍咨總河都御史轉  
行管理南河郎中夏鎮主事預辦物料候

鮮船過淮即便築壩過徐即便下閘其輒壩定限  
每年六月初一日合口如有遲悞一體查叅  
施行奉

聖旨是進鮮船隻着該衙門依期採辦發行限五月  
中過淮六月初築壩不許延緩過期致碍河防



如有故違聽總河官及該科叅治

申明職掌疏

臣潘季馴謹

題爲明職掌一事權以便責成以禪河漕事臣於  
二月十二日准工部咨該臣題爲欽遵

明旨甄別司道官員以重河漕事本部覆議內開蘇  
松兵備係暫管河務彼江南水利旣設有專  
官今後年終仍查水利官舉劾其浙江水利  
河臣稱係原籍不敢概叙但查各邊及漕運

總督有所舉刺雖原籍亦所不遺總理河道與總督體統相同則事權不宜獨異年終查覈司道府州縣如南北兩直隸浙江河南山東凡與河道相干涉者無論原籍與否一體舉劾等因題奉

聖旨是各該司道等官但與河道相干的着總理官一體甄別欽此除欽遵外臣謹以今歲甄別之疏不及蘇松水利道之故與兵水二道事

體應否歸一之由敬爲

原

书

缺

页

原

书

缺

页

類造該道俱無一字回報而水利道事務亦無一字關白臣者隨該臣咨行應天巡撫周繼查詢管河該道緣由准有回咨內開先據蘇松兵備道呈稱河道事宜先年并水利俱係兵備道兼理今既設有水利專道則河道一事應否歸於水利道專管或仍聽本道兼攝呈蒙本院詳批河道水利原係二事仰照舊行去後今准前因相應咨覆等因臣遂以河道事務一意責成蘇松兵備道而水利道

之事絕無干涉矣此非許應達之有心抗臣亦以河道原屬兵備道而謂臣職專河道水利非所司耳故臣於年終甄別司道之疏止及李涑而不及許應達也卽今奉有

明旨無容別議但於職掌尙未申明事權亦未歸一且水利道原無管河之責而臣乃舉刺非所管轄之官若於事體未妥者臣查得江南水利河道委屬兩端而副使許應達才猷敏練智識通明先任南河郎中河事固所素習河

道事宜應否併屬本官兼理其水利事務自有撫按專司應否亦屬河道衙門兼攝臣不敢擅擬再照浙江司道府縣掌印水利等官工部覆奉

明旨令臣照各邊及漕運總督事例無論原籍與否一體舉劾行間續准吏部咨該本部覆臣年終舉劾有司官員內開浙江司道有司玩愒不職失誤河防者許令臣據實開報彼處撫按叅

奏等因兩咨事體未一有礙遵行伏望

敕下該部通行查議其蘇松水利惟復轉行彼處撫  
按衙門再加詳酌覆請

明旨着爲成例以便永永遵行庶職掌明而舉刺自  
當事體定而責成亦易矣臣愚幸甚河道幸  
甚謹題請

旨奉

聖旨工部知道

工部覆前疏



題爲明職掌一事權以便責成以禪河漕事該總  
理河道右都御史潘季馴題前事奉

聖旨工部知道欽此欽遵抄出到部送司案查本年  
二月內該總理河道右都御史潘季馴題爲  
欽遵

明旨甄別司道官員以重河漕事內題議北直以至  
浙江專管及兼管河道部司諸臣除浙江係  
河臣原籍恐違近例不敢概舉乞將中河郎  
中等官沈修等徐州道按察使等官陳瑛次

第轉擢等因具題前來已該本部查得蘇松  
兵備道副使李淶暫管河務彼江南水利旣  
設有專官今後年終仍查水利官舉劾其各  
司道府州縣官如南北兩直隸河南山東凡  
與河道相干涉者無論原籍與否一體舉劾  
緣由覆奉

聖旨是各該司道等官但與河道相干的着總理官  
一體甄別欽此已經咨行吏部及備行順天

保定鳳陽應天浙江河南山東各撫按衙門

原

书

缺

页

原

书

缺

页

交代誠得救荒權宜之策及水道旣至業有專責則漕河事務自應接管若復歸之兵道恐非

朝廷設官分職之意况水利近兼督糧每年押運水次則漕尤其緊關疏濬豈宜別委此後河道年終仍當查水利道舉刺至于各省直水利官凡與河道相干涉者旣奉

明旨許總河一體甄別則浙江雖係河臣原籍其司道有司苟誤河防自當論刺似不必開報彼

處撫按叅奏此兩事者一關職掌一關事權  
職掌不明何以盡官守事權不一何以昭觀  
懲河臣詳具本末特爲申明委應如議覆請  
恭候

命下備咨總理河道應天巡撫都御史及咨都察院  
轉行蘇松巡按御史督行蘇松水利道將漕  
河卽便管理以後興修水利做過工程用過  
錢糧凡關係農務者照舊開呈彼處撫按衙

門

奏報關係漕河者呈報總河衙門以憑甄別仍呈  
彼處撫按知會至于浙江司道府縣掌印水  
利等官既奉有

明旨許河臣一體甄別仍應欽遵施行無容別議奉  
聖旨是水利道有關漕河的着遵照近旨通行甄別  
縣官輕忽河務疏

臣潘季馴謹

題爲縣官輕忽河務重累小民乞

恩俯賜究治仍乞

申飭成例以安地方以裨河防事據管理中河郎中  
沈修徐州兵備副使陳文燧會呈蒙臣憲牌  
內開各屬領銀買辦蘆柳椿檉等料除邳州  
遵行差官收買將完與民無干外該司道卽  
查睢寧縣因何不差職官買運派令鄉民致  
生騷擾究明呈詳其徐靈宿三州縣見今作  
何收買曾否累民併查議報依蒙行據淮安  
府管河同知唐民敏呈稱本職親詣睢寧縣  
查得該縣先領銀一千五百兩分派各社殷



官以商費等前去產料地方收買已完見今運  
廠交收續領銀一千兩又分派各社殷實劉  
仲弼等轉派花戶職已出示曉諭原買人役  
各將原領銀兩查照原派各料已買完者仍  
令交廠其未領銀兩俱委佐貳職官買解不  
許累民及查徐州領過銀兩已發所屬四縣  
差委沛縣典史朱大積等宿遷縣已委典史  
陳一揚等各前去安東等處買運惟靈璧縣  
盡派概縣小民該職親詣查理行至雙溝地

方據各買料人役執稱買到料物俱被收料  
委官凌錫刁難使費守候日久隨拘本犯審  
實搜得索受人戶蔣連等贓銀共六兩一錢  
九分票發縣丞楊田收貯本犯行縣監候外  
叅看得睢寧縣原估埽料派及殷實義民買  
解而殷實轉派花戶動衆滋怨至於靈璧縣  
違背原行盡派花戶民已不勝其苦及買到  
交納又被委官百計刁難索騙不貲誤工病  
民莫有甚于此者法難輕貨合無請乞裁奪

緣由到職該職等勘得河工辦料責成掌印  
官員係節年題

通事例今歲工料已經估計呈請本院并漕撫部院  
詳允備行州縣着落掌印官領銀選委廉幹  
職官查照上緊買辦交厥除邗徐宿遷遵照  
外惟睢寧縣派之里甲殷實而殷實轉派之  
花戶靈璧縣則徑派里甲騷擾小民且縱容  
義官索騙不惟墮工仰且累民似應呈請定  
奪等因到臣卷查先該臣題爲申明修守事

宜以圖永賴事欵開預定工料以便工作每  
歲十一月中旬司道踏勘沿河險夷分爲三  
等類報總理衙門批允分撥應辦物料卽行  
各掌印官領銀如數買辦定限正月半以前  
報完隨卽興工四月初旬告竣著爲成規違  
誤叅究已經工部覆奉

欽依通行欽遵在卷續于去年十一月二十一日據  
司道呈爲會計預備十八年歲修工料事議  
得徐邳靈睢宿五州縣遙縷二隄迎溜歸灣

撥歸幫護合用椿草蘆柳繩索等計該銀  
萬三千六百四十七兩二錢一分動支在

歲修銀轉發各州縣學馬車之類並辦

查照原估趁時置買交羅鑿更議於正月初

旬興工支用已經批允通行定妥恐未齊

誤工派民生事又於正月初二日舉行各州

縣將支過銀兩實差兩當員役四散收買解

廠交納向未屆報臣適於正月十九日親詣

徐邳一帶查理據邳州揭報收買將完其

餘州縣屢經催促並無解到該臣往來河渠  
詢之小民始知睢寧縣故違原行並無之費  
買運及至興工方纔派及股實攀連累遽其  
徐州靈璧宿遷等三處恐亦類此卽牌行司  
道查究去後今據前因臣竊思管河之法莫  
要於歲修而歲修之工必資於草料草料不  
預則工作必遲而伏秋之間難保無虞矣臣  
是以題

請十一月中旬勘估買料正月半以前報完興工四

月初旬告竣三令五申極爲詳勉而又恐其  
派累小民就延時日復與司道叮嚀告竣不  
日責差的當員役四散收買則曰選委廉幹  
職官上緊買辦可謂至諄懇矣而靈睢二縣  
不恤民隱惟便己私揆厥所由蓋因積胥黠  
吏意在侵扣差官收買便難染指以至義官  
凌錫大事誅求卽搜出者如此而其花費者  
可知矣卽義民官如此而吏書可知矣等而  
上之又安知當卽官之無所私乎今時及三

河防一覽 卷二十一  
月諸料未備歲修之工必難早竣不惟小民  
負累而於河防之事墮誤多矣既經司道勘  
覈前來相應叅治叅照睢寧縣知縣馮紹京  
靈璧縣署印縣丞董本才既昏庸志多怠肆  
視貧民如秦越全無已溺已饑之懷視河務  
若贅疣寧有急公趨事之義聽羣小之撥置  
而上官禁令若罔聞知任積棍之憑陵而小  
民咨怨了無動念徇私之弊難保必無而違  
玩之愆已屬難遣我



皇上洞悉民艱

特垂蠲賑

留神國計

宵旰勤惓而紹京等乃敢玩愒如此非惟有乖人臣之義而亦大失民牧之職矣伏望

敕下該部再加查議將馮紹京董本併一千吏書及贓犯凌錫等行臣提問依律議擬官吏如有贓私從重究治庶人心知警而河工自肅矣再照歲修之工每歲必不可已者若不冉加

申飭著爲定例日久官吏未免弛惰併望

特降嚴旨每歲十一月中旬各掌印官赴司道官處  
關支銀兩將應辦物料責差的當員役於出  
產地方分投收買定限正月以裡報完並不  
許派及小民致滋騷擾如有仍前抗違許總  
理衙門指名叅究則地方旣得安堵而修防  
亦可預辦矣謹題請

旨奉

聖旨馮紹京等着河道衙門提了問工部知道

旱久泉微禱雨疏

臣潘季馴謹

題爲旱久泉微河道艱澀乞

恩俯允虔禱以回天變以濟糧運事據管理北河郎  
中李民賢管泉兼理南旺濟寧閘座主事王  
元命濟寧管河兵備副使曹時聘會呈據充  
州府管河運司同知陳昌言報稱自去冬至  
今天遘亢腸汶泗泉流微細以致南旺等處  
河道日澁卽今重運盛行恐有阻滯預呈到

職該職等看得南旺濟寧一帶漕河地勢高  
亢不通江河所賴以濟運者惟藉諸泉之水  
而諸泉之水必得天雨及時源流充溢斯可  
盈漕利涉詎自去冬至今雨澤未霑天道亢  
旱時已入夏地脉益乾泉流愈涸以涓滴有  
限之水充南北二河之用勢必不能今濬河  
則河身不淺導泉則泉穴俱闕多方疏引水  
涸如故人力至此無可奈何所仰望者惟有  
雨耳乃雲作風隨須臾如掃日復一日膏澤

竟屯雖今歲糧艘不多積有諸湖之水儘可  
接濟但日下過濟者止有江北運船江南重  
運及進

貢船隻尙多未到茲值狂風捲蕩烈日薰蒸湖水  
雖盈亦漸消耗倘自今猶然不雨接濟不前  
殊爲可慮查得萬歷十六年久旱河淺該查  
勘河工都給事中常居敬山東巡撫李戴會  
題

請禱奉有

明旨隨卽霖雨滂沱運艘利涉卽今旱魃爲虐不異  
往歲河水漸涸後事可虞除行管河泉閘等  
官加謹啟閉極力疏濬職等日夜驚皇痛自  
修省外合無比照前例俯賜題

請恭行祈禱于

泰山諸神庶幾

天意可回甘霖早澍

國儲幸甚河道幸甚等因到臣臣竊惟漕河之深  
淺係于泉源之盛衰而泉源之盛衰係于雨

澤之多寡蓋天時地利本自相資而人力天  
工不可偏廢者也矧漕渠自鎮口開以至臨  
清七百餘里皆賴無萊諸泉南北分濟道里  
既遠水力自微其所藉于霖雨者尤不小也  
臣于去年夏秋之間目擊山東地方苦旱良  
久已經撫按衙門題

請蠲賑入冬雨尙愆期雪不盈寸臣逆慮漕河淺澁  
卽嚴行司道及管河諸臣疏導泉穴挑濬漕  
渠及將汶河諸水挽入湖坡貯蓄以待不時

之需凡可爲漕計者似無遺力該司道所云  
濬河則河身不淺導泉則泉穴俱闢誠有然  
者第因山東久苦乾旱入春雨澤全無亢暘  
愈甚陰雲稍合旋被風散此皆臣等奉職無  
狀之所致也泉流日微漕水日涸閉閘積水  
兩日方可盈漕所幸今歲漕糧不多徐北業  
已過濟頭幫已出臨清板閘矣獨上江運艘  
共計一百八十七隻尙未過濟而

鮮貢之船亦多陸續前進臣嚴行管河各官將南



毗蜀山馬場馬踏等湖封閉蓄水取有甘結  
在卷候運船至日放水送舟量亦無誤但慮  
狂風簸蕩烈日薰蒸湖水不免漸消臣與司  
道諸臣晝夜徬徨寢食爲廢日望天降時雨  
以濟燃眉之急而竟未可得也考之春秋三  
月不雨卽以示警今不雨者自冬歷春由春  
入夏矣寧能保其不涸乎臣查得萬曆十六  
年四月間山東巡撫都御史李戴亦以久旱  
不雨漕渠淺濫會同勘工都給事中常居敬

題

請躬詣

泰山祈禱奉

聖旨便着該巡撫官虔誠祈禱禮部知道欽此諸臣  
遵行未幾而大雨如注蓋

聖德隆盛素格

天心意念所及百靈效順宜其響應如此伏望我

皇上容臣比照前例率同司道等官齋食素衣躬詣

泰峙建壇祈懇仰冀早魃潛消甘霖速降則

非惟運道可免淺澁而民生亦可望其有年  
矣奉

聖旨着河道官竭誠祈禱該部知道

添募夫役以裕河工疏

臣潘季馴謹

題爲添募夫役以裕河工以安民生事據皮河分  
司工部郎中沈修徐州道管河副使陳文燧  
呈稱照得

國家定鼎燕都歲運東南粳粟四百萬石涉江淮

經邳徐入閘必資黃淮二河濟之嘉隆以來  
河決崔鎮淮決高堰高寶興鹽山清桃宿等  
處田廬蕩溺正河淺涸轉運艱辛東修西潰  
數二年無寧宇至萬歷六年蒙本院勅築遙  
隄重門禦暴盡塞諸決束水歸漕田地如獲  
耕種民居亦得安堵迄今已逾十年而歲長  
夫少修守乏人以致車馬踐踏風雨剝蝕日  
見卑薄近蒙本院調撥山東徭夫二十九百  
餘名倩派徐邳靈睢宿遷夫一萬二千餘名

大加修築工已告竣而各夫犒賞動經數千  
歲修銀兩僅供物料不免稱貸于漕庫民固  
稱勞官亦告匱甚非久安長治之策也爲今  
之計必須添夫一千二百餘名分撥險要去處  
專令廉幹官一員管理修守庶幾不至墮悞  
但添夫不難而增餉難每夫工食八兩該銀  
九千六百兩當此民窮財盡之時豈宜派及  
里甲查得萬歷十六年本院會同漕撫衙門  
奏留二升米銀內相應動支召募等因到臣該臣

看得治河之法平時有修築之工伏秋有防守之苦一有不周禍患立志夫後減少固難責以全功起派鄉夫又不免于騷擾隨查中河所管地方北自鎮口關南至清河縣兩岸共一千餘里而豐沛蕭陽四縣隄岸又約二百餘里原設夫役頗多祇因工食缺乏日漸減削僅存五千五百餘名計里分派每里不及五名中間又多逃曠以至歲修之時不免派及鄉夫而犒賞之費動經數千貧夫所得

不多官司設處甚苦且與其勞費于既壞之  
後孰若預辦于未壞之先乎所據司道之請  
誠有不可已者伏望

敕下該部再加查議如果臣言之謬容臣劄行司道  
轉行淮安府每歲于臣等奏留輕齋二升米  
銀內動支九千六百兩分發沿河各州縣募  
有身家之八共一千二百名責令廉幹官員  
專管分布要害處所平時兼土幫築伏秋晝  
夜防禦庶幾河防有人閭閻無擾未必非永

賴之策也再照前項米銀以全漕計之約有二萬七千餘兩但每歲俱有羨覓卽如萬曆十七年止有一萬九千七百二十五兩十八年止有六百二十六兩六錢以致原借漕庫欵修銀兩尙未補足以後此等年分難保不無仍乞特賜先行漕撫衙門如遇二升米銀不足容臣暫于漕庫借支別項銀兩給散各夫候下年解到之日如數補還則餉不病于告匱而隄可恃以長固民可藉以少安矣謹題請



旨奉

聖旨工部知道該工部覆奉施行

官旗挾帶私貨疏

臣潘季馴謹

題爲官旗挾帶私貨拾倍

明例壅阻漕渠乞

恩申餒成規以釐夙弊以裕轉輸事據管理漕務叅  
政吳同春呈蒙臣憲牌查得江西南饒二衛  
所糧船私帶木筏甚多塞滿河路仰道會同

濟寧道速令江西運糧把總公同管河同知  
將本起放在岸要見某衛所某船見帶板木  
若干共秤重若干斤具數呈報催船星夜前  
行本植留人看守等因又蒙漕撫部院牌仰  
本道卽查前船如果因帶板木變賣故行遲  
延每船除例帶土宜六十石如係板木每一  
百斤准算一石此外但有夾帶過多者查明  
入官將船催趕前進等因依蒙會同濟寧道  
行委兗州府管河運司同知陳昌言江西把

總賁踴秤盤過木數到道爲照今歲糧船爲  
數甚少運納宜速詎意南饒二衛所多帶木  
筏擠塞河路殊屬違玩旣經管河同知查勘  
前來卽應照議沒官但板木就水稱盤低昂  
恐未盡確合無備行陳同知將前堆寄濟寧  
板本一百三十六萬五千一百九斤內量除  
二十八萬五千一百二十九斤入官變價作  
正支銷仍將一百七萬九千九百八十斤照  
依原盤各船數目撥給軍人收領任其發賣

及又揭稱漕運議單內開運軍土宜每船許帶六十石沿途遇淺盤剝責令旗軍自備腳價例外多帶者照數入官乃今法久人玩違禁攜帶十有八九各船每到馬頭輒延緩數日雖曰挨幫實爲脫貨而把總運官亦或因公濟私帶貨覓利總分于衛衛分于所所又分帶于旗軍遂致旗軍乘機夾帶有至數萬斤者淹滯運艘稽悞程途莫甚于此蓋因盤驗姑息叅罰之例未定人情狃于因循相應

議處以後開兌司道嚴諭各船止帶別項土  
宜限定六千斤其竹木板片沉重貨物不許  
稍帶違者搜獲勿論多寡卽發水次衙門入  
官每年南船抵瓜儀則委瓜洲江防同知抵  
淮則委淮安驗單推官抵徐入關則委管河  
同知逐一嚴搜果無夾帶回報漕司案候稽  
考如前途驗過後官查有夾帶卽係前官容  
縱一體叅治永爲遵守庶例嚴而實效可臻  
源清而流弊自絕等因呈詳到臣案查先據

宛州府管河運司同知陳昌言揭稱饒州所  
糧船止三十七隻稍帶木筏八十三弔濟寧  
天井閘河擠塞盈滿每船載木既多不得不  
卸爲筏况以重船而尾復曳以重筏連綿之  
勢撐駕又難閘板旣啟待久水洩又以河淺  
爲名延捱貨賣及查南昌衛較之該所更甚  
緣由前來臣卽牌行兩道委官盤卸隨據濟  
寧管河副使曹時聘呈將秤盤過多帶板木  
數目令人看守各船催趕前進呈詳到臣已

經詳批各官旗故違

明例稍帶私貨不啻拾倍矣今既停留在岸姑候各  
運船抵灣遲速再奪聞今據前因呈看得歲  
漕四百餘萬自瓜儀至淮安則資諸湖與二  
河之水自鎮口閘至臨清板閘則資汶泗之  
水每年四五月間雨少泉微正當漕渠淺澀  
之際適值糧運盛行之時臣督管河官員開  
湖閉閘多方蓄水以求速濟良亦苦矣迺今  
各船私帶重貨公行無忌而南饒兩處運船

見卸板木重一百三十六萬五千一百餘斤而未盤之先沿途開廠發賣已多該道所報僅及其半船內磁鐵等器又不知其幾何矣何恠乎舟行遲滯抵灣之愆期也究其來由運軍一貧如洗烏得有此鉅貨盡係運官通同把總販賣營利勢壓旗軍分派裝載今歲運艘不多南饒僅八十五隻稍帶木筏所至充塞若遇全運之年萬艘鱗集寸步難前矣其貽漕河之害甚非眇小所據肥總賁踴及



領運指揮朱維祺千戶張士維等通同派買

之弊難保必無而容情阿縱之愆已屬難追

但沿襲日久向未申明禁例姑免叅治隨批

該道將給軍并入官之數通呈漕司稽考去

後其該道所議以後開兌各道嚴諭官旗止

帶別項土宜不許仍携竹木板片及要委官

盤驗一節似應依擬除聽漕撫及巡漕衙門

設法稽查外竊惟漕米之盈虧係于漕司而

運艘之遲速係于河道合無許令總河衙門

分行各管河分司各照地方分段盤驗如運  
船入瓜儀至淮安通濟閘責之南河郎中由  
黃河至鎮口閘責之中河郎中自鎮口至珠  
梅閘責之夏鎮主事自南陽至安山閘責之  
南旺主事自張秋至臨清板閘責之北河郎  
中但遇糧船入境把總官投遞官旗及部運  
船隻名數到司就便抽盤遵照議單除應帶  
土宜六十石外如有多餘或違禁仍帶竹木  
板片及沿途耽延收買貨物者將貨物盡數

入官領運把總及指揮千百戶指名叅呈總  
河衙門具

奏提問蓋各分司俱有河道之責貨重難行愆期  
悞事各司自難諉咎痛癢切身又何敢徇情  
避怨哉至于開兌起行之時則在該省糧儲  
道加意檢查嚴行戒諭指顧之間不勞餘力  
而自可省沿途之擾擾矣如蒙

敕下該部再加查議覆奉

明旨行臣欽遵施行仍著爲定例永永遵守庶積弊

可釐而轉輸自速矣謹題請

旨奉

聖旨戶部知道

戶部覆前疏

題爲官旗挾帶私貨拾倍

明例壅阻漕渠乞

恩中飭成規以釐夙弊以裕轉輸事該總理河道右  
都御史潘季馴題前事奉

呈旨戶部知道欽此欽遵抄出到部送司查得議單

內一欵凡運軍土宜每船許帶六十石沿途  
遇淺盤剝責令旗軍自備腳價例外多帶者  
照數入官監兌糧儲等官水次先行搜檢督  
押司道及府佐官員沿途稽查經過儀真聽  
僸運御史盤詰淮安天津聽理刑主事兵備  
道盤詰六十石之外俱行入官經盤官員徇  
情賣法一併叅治遵行在卷今該前因案呈  
到部看得河道都御史潘季馴題稱江西把  
總賁躋總下指揮朱維祺千戶張士維等各

官旗挾帶竹木私貨沿途發賣致遲轉運欲  
要將應帶土宜六十石外其餘堆寄板木私  
貨盡行入官所據把總領運等官法應叅治  
緣相沿日久向未申明今次姑免行究以後  
開兌之時各要管河分司照依地方如法盤  
驗有違禁多帶者盡數入官將領運把總及  
指揮千百戶指名叅呈仍着爲定例一節爲  
照漕運每船附帶土宜六十石載在議單實  
國家恩恤旗軍之典而不才運官通同挾帶數多

以致排擠滿河大阻運艘則非許令附帶初  
意若不亟行申飭將來稽遲糧運其弊實由  
于此既經河道都御史題議前來相應依擬  
覆

請恭候

命下本部移咨河道衙門轉行各管河分司此後凡  
遇糧船到時卽照依各管地方分段盤驗如  
運船土宜除六十石外若有多餘或違禁仍  
載竹木沉重等物及沿途收買貨物者將貨

物盡數入官仍將違犯運官指名叅治如經  
管地方盤驗官員徇情賣法亦遵照議單事  
例聽河道衙門一併叅處至于開兌之時則  
尤責成該省糧儲道加意檢查違者亦同叅  
治併著爲定例永遠遵守併咨漕運衙門知  
會及應天浙江江西湖廣山東河南各巡撫  
一體遵照施行奉

聖旨是

恭報三省直隄防告成疏



臣潘季馴謹

題爲恭報三省直隄防告成乞

恩申飭修守之法以圖永賴事伏念臣犬馬餘生甘心草莽謬蒙我

皇上天高地厚之恩拔之廢棄之中授以總河之任  
顧顏受事忽復三秋兩河工程業已曲爲之  
制而周爲之防矣才識固有未融而心力不  
敢不竭隄防雖已稍備而修守不可不嚴謹  
將倣過工程開列陳

請除南河邵伯高寶范口禮壩中河張福王家一隄  
夏鎮塔山鎮口北河開壩湖隄各

欽修土石等工該臣於萬曆十七年五月二十四日  
將完過緣由具疏

奏報不敢贅賣外節據中河郎中沈修徐州兵河  
按察使陳瑛見任副使陳文燧呈稱節奉本  
院劄案爲申明修守事宜以圖永賴等事行  
職等將先後題

正應修隄工勒限興築上緊報竣職等遵依督率分

委府州縣等官親詣工所如法率作至萬歷  
十八年五六等月各日期不等通完訖一應  
料物犒賞等銀俱於歲修銀內動支並無請  
有別項錢糧爲照祿淮一帶河道自昔萬歷  
八年本院勅築遙隄高厚堅實水循故道經  
今十年運艘利涉居民安堵凡司河道者俱  
享平成之利近年以來風雨損壞夫役停減  
修補失時加以連歲異常洪水縷隄逼臨河  
身掃灣衝刷易於塌陷若非遙隄保障難免

無虞今蒙督促大加幫修悉如舊式及議築格隄以防決水橫流自夏徂秋暴漲數次河南水高一丈五尺而隄壩無恙以後歲加修守卽爲久安長治之策并將加幫剏築徐州靈璧睢寧邳州宿遷桃源清河沛縣豐縣碭山共十州縣遙隄縷隄格隄月隄太行隄土壩等項共長一十萬四千三十九丈一尺各高厚如式數目開呈前來又據夏鎮主事余繼善會同徐州道呈同前因及備開加幫剏

築完沛縣徐州支廟及縷隄長隄緯路土壩等項共長二萬一千九百六十六丈八尺各

高濶數目又據河南管河原任副使陳九仞見任副使李三才各先後呈報幫築初築接補完滎澤原武中牟鄭州陽武封邱祥符陳留蘭陽儀封睢州考城商邱虞城河內武陟共一十六州縣遙月縷橫等隄新舊大壩共長一十四萬四百九十四丈七尺九寸俱覓真淤杵實並非昔日雜沙虛鬆可比委堪捍

禦緣由并各工程細數開列前來又據濟寧  
兵河陞任按察使曹子朝見任副使曹時聘  
節次呈報修築完曹縣單縣新舊隄壩并加  
幫完太行隄共長二萬六千四百四十七丈  
七尺七寸挑改過梁靖口河渠長一百八十  
丈見今武王二壩過水南徙黃河安流等因  
各開報到臣據此案照萬曆十六年十月十  
四日准工部咨該臣題爲申明修守事宜以  
圖永賴事欵開一立法增築遙隄以固隄防

淮徐之民十年以來所以得免魚鱉之患而  
運道不致梗阻者恃有遙隄也向無稽考未  
補分寸剝食過半合行司道官將各隄坍塌  
單薄者以原隄丈尺爲準先行加幫取平後  
自十八年爲始每歲加幫五寸等因工部覆  
奉

聖旨河道每歲修防先年題有定規乃各該官員不  
行着實遵守曠職誤事這所議俱依擬行如有  
仍前怠玩的總河官指名叅奏重治欽此備咨

前來又於本年十二月十九日准工部咨該  
臣題爲申明河南修守事宜以固河防事欵  
開一查得黃河北岸逼鄰漕河關係甚重弘  
治年間先臣劉大夏築有長隄一道起自曹  
縣至武陟縣詹家店止南岸逼近省會

藩封重地最爲要害亦有長隄一道起自虞城縣  
至滎澤縣止兩隄延亘千有餘里實爲該省  
屏翰但地鮮老土隄皆浮沙而河流遷改靡  
常多有濱河難守者矣今據該道逐一查覈



分爲緩急二工容臣嚴行刻期幫築加意驗  
探如有墮誤或夾雜浮沙或夯杵不實苟且  
塞責者容尋管河官叅拿究治等因工部覆  
奉

聖旨依議行欽此備咨前來又於萬曆十七年十月  
二十四日准工部咨該臣題爲三省直修防  
告竣河流近已歸漕據實恭報仰慰

聖衷事本部覆議趙皮寨至李景高口議築遙隄支  
將軍廟至塔山議築長隄羊山至土山議築

橫隄皆區畫周悉於河道有裨相應依擬等  
因題奉

聖旨是河道事宜着總理等官照舊用心經理欽此  
備咨前來俱經通行司道勒限興工去後查  
得加幫遙隄適值去歲黃水暴漲修防不暇  
止將象山一帶二十餘里加幫高厚其餘尚  
未施工已經嚴督中河司道大加幫築間續  
據中河司道議得單家口一帶河身獨窄隄  
臨河濱原題棄縷守遙惟恐黃水橫肆順隄

東洩合照原題邳州橫隄之制再於房村單口雙溝成鋪辛安等處各增築格隄一道又

據河南管河道副使李三才勘得判官荆村隆口陶家店馬坊營三家莊陳隆莊大寨等處最爲險要將幫舊荆新隄壩等工續議呈詳俱經臣覆勘允當批行興舉刻期完報去後今據前因覆覈相同臣竊惟防河如防虜自古記之矣防虜則曰邊防防河則曰隄防邊防者防虜之內入也隄防者防水之外出

也欲水之無出而不戒於隄是猶欲虜之無入而忘備於邊者矣且自古稱治水者莫過於禹而考之禹貢曰九澤既陂四海會同先臣蔡沈釋之曰九州之澤已有陂障而無決潰四海之水無不會同而各有所歸陂障卽隄也神聖如禹而猶不免致力於隄則舍隄之外別無所以河防者矣臣於萬歷六年奉

命治河卽

請築遙隄以防其潰築縷隄以束其流八九年間可

流順軌故道晏然業有成效矣而歲久宮更  
弊滋法弛以河防爲末務視隄工爲贅疣一  
簣莫加萬夫閑曠而車馬之蹂躪風雨之剝  
蝕河流之油刷高者日卑厚者日薄又何恠  
其東潰西決哉荷蒙我

皇上授臣以總理之權責臣以修復之事臣襍線微  
才固不能別爲新奇之策而管窺小見尤不  
敢爲僥倖之圖惓惓以隄防陳乞謬承

命命畢力仰成督率南直隸河南山東司道等官將

濱河一帶地方躬親荒度周爰諮諏舊有而  
今圯者則議加葺舊無而宜有者則議剏築  
遙隄約攔水勢取其易守也而遙隄之內復  
築格隄蓋慮決水順遙而下亦可成河故欲  
其遇格卽止也縷隄拘束河流取其衝刷也  
而縷隄之內復築月隄蓋恐縷逼河流難免  
衝決故欲其遇月卽止也防禦之法頗稱周  
備較之己卯告成之功更爲詳密而夏鎮河

南山東往歲原未經理者皆一體增建矣倘

能歲守不失則河流自無衝決之患河不衝  
決則故道晏然翕由順軌而運艘自無阻滯  
之虞矣但畚土成隄原非鐵石稍不修葺便  
至傾頽歲歲修之歲歲此河也世世守之世  
世此河也故歲修錢糧之設徭徭編雇募額夫  
凡以爲河也而可置之虛糜閑曠之地哉臣  
是以諄諄爲申明修守之

請也伏望

天語可嚀嚴諭地方司道等官查照臣愚節次題奉

欽依事理每歲務將各隄頂加高五寸兩傍汕刷及  
卑薄處所一體幫厚五寸年終管河官呈報  
各該司道要見本隄原高濶若干今加幫共  
高濶若干司道官躬親驗覈開報總河衙門  
覆覈年終造冊

奏繳不如式者指名叅究庶河防永固而

國計民生俱有賴矣臣又查得連年司道等官肩  
仔河工頗竭心力除府佐州縣掌印管河官  
候秋防報竣另行題



請獎戒原任河南管河道副使陳九仞已經論劾難以另議外如中河分司郎中沈修夏鎮分司主事余繼善徐州兵河道陞任按察使陳瑛見任副使陳文燧河南管河道副使李三才山東濟寧兵河道陞任按察使曹子朝兄任副使曹時聘謀謨已竭其心思暈勉不辭於夙夜祁寒溽暑逐逐於畚鍤之內而寢食靡寧鳩工聚材斷斷於會計之時而錙銖不爽大興千里之築如垣如墉皆其心膂所致共

圖久遠之計必誠必慎不爲苟且之謀况工料取辦於歲修絕無虛糜之弊而厝厝侵尋於歲月未聞倦勤之時固皆分義當然不敢別有希冀相應咨部紀錄庶幾稍勸羣工再照三省直之道途頗遠臣一身委有難周河南兩岸隄工皆都御史周世選一身肩承羣策畢舉當饑饉之口而鼓舞有方貧民樂爲之周當暴漲之時而提撕不懈地方賴以無虞實多保障之功全無矜伐之意本官已蒙

簡拔似難瀆

請然臣不敢掠其功以爲己功蔽其賢而不以告之君父者也伏望

敕下該部再加查議覆奉

明旨容臣遵奉施行臣愚幸甚河防幸甚謹將完過工程數目具本開坐謹題請

計開

南直隸工程

總管官中河郎中沈修徐州兵河陞任

按察使陳瑛見任副使陳文燧督同

淮安府陞任同知徐伸丁夔同知申

安見任同知唐民敏分委都事胡傅

指揮文棟等

徐州迤南幫築完南北兩岸遙隄共長

六千三百七十四丈二尺剏築完谷

山隄頭長六十丈加築完谷山子隄

長八十丈剏築完房村格隄長四百

九十六丈單家口格隄長三百一十八丈本口幫築完南北兩岸縷隄共長五千八百三十八丈加幫完該州迤北黃河上源縷隄長三千六百二十三丈

靈璧縣南岸幫築完遙隄長三千七百二十七丈勦築完雙溝格隄長四百一十五丈填完河身底長四丈口長六丈深七尺幫築完南岸縷隄共長

二千二十七丈五尺加築完子隄長  
一千六百二十丈築塞單家口私開  
涵洞缺口長八十丈

睢寧縣南北兩岸幫築完遙隄長八千

九十五丈朔築完成字舖格隄長四  
百三十二丈七尺河口三道俱有廂

邊埽土牛幫護幸安格隄長三百五  
十六丈加幫完兩岸縷隄共長一萬  
五千七百八十一丈舖築完成字舖

隄長一百四十九丈

邳州南北兩岸幫築完遙隄共長一萬二千八百三十二丈四尺朔築完羊山橫隄長四百七十三丈築過橫隄迤西水口長四十丈加幫完縷隄共長一萬三千八百二十五丈

宿遷縣南岸加幫完遙隄長七百四十三丈四尺修築完歸仁集隄長五千七百五十六丈幫築完南岸縷隄共

河防一覽 卷十一  
長六千七十六丈

桃源縣南岸加幫完馬廠坡隄長一千  
五百丈修砌完馬廠閘鴈翅長八丈  
六尺高七尺幫築完北岸遙隄長一  
千三百三十七丈修補完崔鎮徐昇  
季太三義四滾水壩兩馬翅迎水接  
連土隄共長四十八丈

清河縣南岸加幫完張福口王家隄共  
長四百一十丈幫修完縣前圍隄長



一百零六丈

沛縣加幫完張村店一帶縷隄共長三千零四十丈填補完縷隄雨淋缺口共一千八十二處共計九百二十丈太行隄雨淋缺口共三千二百七十七處共計一千一十丈

碭山縣加幫完大壩六段共長一千四百八十六丈五尺幫築完劉金樓白川店縷隄共長一千零八十丈

豐縣加幫完清水河大小月隄并邵家  
大壩邀城寺月隄共長五千八百八  
十七丈補築完田劉口隄四十六丈  
四尺塞完涵洞一處長二丈七尺填  
完縷隄缺口水溝共一千四百五十  
七處補完太行隄缺口水溝共一千  
五百九十七處

總管官夏鎮主事余繼善徐州兵河陞任

按察使陳瑛見任副使陳文燧督同

陞任同知徐仲丁憂同知申安見任  
同知唐民敏等

沛縣境山起至留城一帶又自大隄頭  
起至地浜溝至運河繚路兩次幫築  
完隄共長一萬五千八百丈加幫完  
塔山縷隄長七百五十丈剏築完支  
將軍廟縷隄長七百五十丈內有水  
口一百二十丈俱下埽三層其尤要  
害處水口四十丈加埽一層俱用排

椿深釘幫築完留城至黃家閘東隄  
長二千六百三十九丈修砌完石壩  
一座長濶共一百四十五丈修補完  
鎮口閘東西鴈翅共長四十六丈三  
尺幫築完鎮口閘西隄起至大隄頭  
止長一千五百四十五丈

徐州上河築完牛頭灣梁山等處壩共  
十五道計長三百丈零三尺帮築完  
伊家林隄長三十七丈五尺

河南工程

總管官管河道原任副使陳九仞見任  
副使李三才督同開封府加從四品  
服色同知吳克勤同知張士奇懷慶  
府同知劉應聘歸德府通判蕭汝慎  
等管理

滎澤縣幫築完北岸甄家莊舊隄共長  
四千三百八十六丈三尺四寸郭家  
潭等處長隄共長一千七百七十二

丈八尺填平潭窩底濶四五丈至二  
十二丈口濶四丈至六丈五尺深七  
八尺至二丈二尺南岸幫築完小院  
村舊隄長二千二十丈朱家莊等處  
隄長五百四十八丈朔築完曹家屯  
遙隄長三百五十六丈遠築完梨園  
村月隄長二百三十丈幫築完蘇家  
莊舊隄長二百丈

原武縣北岸幫築完姚村隄長七百五

十八丈婁家莊隄長三百四十九丈

胡村舖隄長七十二丈婁彩店隄長

三百五十六丈王村正南舊隄五段

共長二百八十九丈新築完張家莊

月隄長一千二百五十五丈幫完本

莊舊隄長二百二十三丈舊壩長一

百八十丈幫築完小陳橋等處隄長

四千二十七丈七尺師家莊舊隄共

長五百四十四丈判官村舊隄長九

百三十五丈舊壩長一千零六丈

中牟縣南岸幫築完黃煉集隄共長二千四百丈  
新莊集隄長七百八十七丈七尺  
幫築完舊隄六百一十七丈四尺

鄭州南岸幫築完小陳橋舊隄長二百三十丈三尺

陽武縣北岸幫築完脾沙岡隄長一千八百三十四丈六尺三寸  
幫築完壩



長三百丈幫完舊壩長二百丈幫完  
朱家莊舊隄長二百四十六丈王佑  
莊舊隄共長四千四百丈南岸管家  
莊後至圓墩寺止原題應幫舊隄共  
長三千三百六十四丈內除一段照  
舊外實幫完隄長一千八百九十四  
丈接補完本寺迤北舊隄長一百七  
十三丈翔築完賈家寨月隄長九百  
丈申家寨遙隄長四百五十五丈幫

河防一覽  
卷十二  
三  
築完舊隄共長二千六百三十丈又  
接築完本寨迤東舊隄長四百八十  
二丈

封邱縣北岸幫築完千家店中藥城舊  
隄共長八千八百四十七丈二尺舊

壩長七百丈幫築完蕭家莊張家莊  
壩并潭窩共長一百七十五丈帮築

完原題荆隆口遙隄長二千五十六  
丈填完根下河身三處共長二十八

丈九尺潭窩二處共長一百七十五丈幫築完本口壩三段共長一百四十七丈接築完隄二段共長四十二丈幫完東姜寨老隄七段共長八百二十丈

祥符縣南岸幫築完瓦子坡舊隄長一千八百七十一丈一尺二寸柳青口橫隄長四十六丈劉獸醫口舊隄共長五千零五十七丈三尺帮築完原

題劉獸醫口遙隄比原估稍直省減  
九百六十八丈實築長二千七百三  
十二丈幫築完陶家店兔伯塚埽頭  
集舊隄三道共長七千七百六十六  
丈填完水坑六箇共長四十四丈陶  
家店幫完舊壩長一百丈張家灣築  
完新隄長六十丈砌築完月壩一段  
長三百五十丈幫完壩岸共長一千  
三百二十六丈砌築完遙隄長一千

零五丈補完缺口五十七處共長二  
百一十二丈填完坑窪一處長四十  
丈剏築完李仲英寨遙隄長一千五  
百五十丈填平木隄東西兩頭坑共  
長二十丈幫築完槐疙疸隄共長一  
千三百一十五丈填完水坑一處長  
一十五丈北岸幫築完馬家口舊隄  
共長一千七百七十丈填完王盧寨  
起至魚里止行車路口三十六處坑

窪五處共長一百四丈九尺五寸幫  
完貫臺陳橋集隄長五千七百一十  
丈接築完省城周圍大隄共長一萬  
三千八十丈修補完缺口拖腳八十  
一處共長一千五百七十二丈砌築

完劉家寨遙隄長二千九百三十丈

陳留縣南岸幫築完解家堂舊隄長三  
千二百四十丈北岸幫築完陳留寨  
隄岸二段共長一千一百四十丈

蘭陽縣北岸加築完楊家莊舊隄長一  
千六百丈銅瓦甬舊隄共長三千三  
百二十二丈張村集舊隄共長一千  
八百五十五丈馬坊營舊隄共長二  
千六百三十二丈朔築完本營月隄長六  
百五十丈又遙隄長五百五十二丈  
填完溝渠坑窪一百一十八處共長  
二百九十丈一尺南岸朔築完趙皮  
寨遙隄長一千七百五十四丈七尺

河一覽  
卷十二  
三  
幫築完草廟舊隄長二千六百七十  
丈補築完草橋等處舊隄內有車踐  
缺口二十一處共折長二十一丈

儀封縣北岸朔築完煉城口隄長一百  
七十五丈六尺又築完遙隄長一千  
七百五十丈幫築完舊隄長一千五  
十丈內填完行車大埠口二處共長  
十丈舊壩長六百五十六丈壩後有  
坑長二百五十丈填與地平幫築完



榮花樹舊隄長一千六百三十三丈  
填完行車大埠口二處共長十丈加  
築完挖泥河舊隄長六十九丈補築  
完舊壩長三百七十丈加築完三家  
莊舊隄長三百一十六丈舊壩長一  
百九十一丈填築完拖腳缺口一十  
九處共長一百七十丈荆築完護壩  
一道長三百七十五丈南岸幫築完  
普家營葛田口隄共長四千六百七

十四丈岔股隄長二千六百三十丈  
朔築完李景高口遙隄長六百丈大  
寨月隄長六百二十丈補築完缺口  
拖腳二十八處共長二百八十丈接  
築完護城隄二段共長九百四十丈  
睢州南岸加幫完大城集舊隄二段共  
長三百五十丈

考城縣北岸加幫完芝蔴莊月隄長七  
百三十丈舊壩共長三百五十七丈

八尺填完坑窪三處共長五十三丈  
接築完新壩二段共長一百五十四

丈五尺砌築完本莊背後月隄一道  
長一千三十六丈補築完陳隆莊護  
壩長八十八丈幫築完月隄長六十  
五丈內有坑長六丈深一丈二尺填

平上築高一丈二尺砌築完壩岸長  
一百六十丈補築完李秀廠唐家水  
口回龍廟流通集董家莊五處隄壩

共長五百二十四丈五尺填完水坑  
長二十八丈南岸幫築完遙隄五段  
共長五百五十丈

商邱縣南岸補築完楊先口缺口一處  
長一十八丈幫築完本口隄長三十  
二丈又本口迤東幫完舊隄長四百  
三十八丈口西幫完隄長十六丈五  
尺加幫完楚家灣東隄長十一丈

虞城縣南岸幫築完羅家口隄長二千

四百丈

河內縣沁河南岸補築完古陽東西壩  
共九段長三百四十四丈五尺幫築  
完縷水隄自開口起至安家樓止長  
二百丈

武陟縣沁河北岸補築完大原村壩二  
段共長四十四丈五尺沁河東岸補  
築完隄長六丈五尺壩長二百六十  
丈填完水口長一十五丈廟後覆土

長一十一丈廟前覆土長八丈又幫

完隄長二百六十丈蓮花口剏築完

壩長一百八十三丈一尺壩後剏築

完敝隄長一百六十四丈本口添幫

隄長十一丈接築完縷隄長四十丈

幫築完大樊村隄長四十五丈剏築

完郭村隄長四百八十五丈五尺沁

河南岸修築完護城隄長四百四十

二丈黃河北岸詹家店王化營剏築

完隄長一百丈幫築完隄長一千二百五十九丈內有缺口一十二處長一百六十四丈俱幫填完

### 山東工程

總管官濟寧兵河道陞任按察使曹子朝見任副使曹時聘督同兗州府管河運司同知羅大奎等管理

曹縣武家壩幫築完舊老隄自二十九鋪起至三十五鋪止共長二千四百

丈五尺加幫完土壩馮家廠王家壩  
等處共二十九道共長七百九十九  
丈接築完王家壩後護壩一道長二  
百二十丈加築完董家口史家樓壩  
四段共長四百八十丈幫築完大王  
廟起至劉滿莊止隄長二百二十五  
丈修築完曹家集牛市屯劉滿莊月  
隄共長二千五百二十三丈五尺幫  
築完舊老隄三鋪至七鋪又自三十



舖起至重隄北頭止共長二千二百

二十九丈九尺五寸幫築完王家壩

埽臺三段共長二百二十七丈填平

坑窪長六十三丈二尺二寸加築完

歸臺起至窰南隄長三百七十八丈

幫築完裏河隄自八舖起至十六舖

止長四千八百七十六丈壩南重隄

長一百零三丈加修完太行隄自十

七舖起至二十五舖止長四千八百

六十丈挑濬過梁靖口洩水支河長  
一百八十丈

單縣幫築完十八鋪隄長五百四十丈

縷水隄自十鋪至十七鋪止長三千

二百四十丈縷水月隄長五百四十

一丈五尺二寸荆築完頭鋪鴈翅上

壩長四十丈加修完太行隄自十五

鋪起至二十鋪止長二千七百六十

四丈八尺

以上通計幫築過各項隄壩共長一十  
六萬四千五百六十一丈九尺六寸  
剏築過各項隄壩共長二萬八千三  
百八十六丈五尺開挑過河渠長一  
百八十丈

河上易惑浮言疏

臣潘季馴謹

題爲垂亡之人憂思轉切謹擇河上一二易惑浮

言乞

河防一覽 卷一十二  
恩俯賜勘議以定久計以免勞費事伏念臣潦倒無  
知久甘畎畝誤蒙我

皇上拔之既棄之餘授以總理之任二三年間殫竭  
心力一應事體請自

聖裁種種俱有成畫試有小效矣尙有一二事宜理  
本如此而人言必不如此工本難爲而人情  
必欲強爲若不早爲勘議浮言不免蝟興全  
河之工未必不由此而決裂也敬陳之夫

鎮口閘內爲汶泗清流鎮口閘外爲黃沁濁

流平時清濁相當內水外出頗順惟黃水一發則黃強清弱倒灌入漕而河渠淤激其運勢之必然者上源山陝以西雨少則黃水易消而內水之出速上源雨多則黃水難消而內水之出遲此又理勢之必然者自用河爲運以來灌塞之患無歲無之其年遠無卷及旋淤旋通者無論矣臣姑以嘉靖末年尙有卷簿可查者言之查得嘉靖四十一二年黃水由大小溜溝會漕於夾溝驛南黃漲漕淤

糧艘阻滯該總河都御史王士翹行徐州領  
夫挑通嘉靖四十四年大小溜溝淤斷該總  
河都御史陳堯行徐州一面挑濬一面起剝  
前進隆慶元年黃河南徙秦溝會漕於梁山  
之北淤塞無異溜溝該總河尙書朱衡行徐  
州洪分司督夫挑濬隆慶二年黃河衝塞濁  
河改至茶城與漕交會茶城之稱自此始隆  
慶三年茶城淤閣重運該總河都御史翁大

立具

題要從馬家橋經地浜溝至徐州子房山下另開  
新河以避茶城之淤續因黃落漕通前議隨  
寢隆慶四年茶城填塞八里內水漫由張孤  
山東衝出翁大立具

題就於張孤山開河本年冬本河復塞仍將茶城  
挑通原議隨寢隆慶五年茶城淤淺該臣先  
任總河行委經歷韓栢部夫常川撈濬運艘  
賴以無阻隆慶六年茶城淤阻該總河侍郎  
萬恭行司道疏濬通行萬歷元年八月茶城

淤塞該工部題行總河衙門設法挑濬萬歷  
二年黃水倒灌淤漕三十餘里該總河都御  
史傅希鞏集夫挑濬前給事中吳文佳題將  
翁都御史原議馬家橋出子房山開河一道  
行傅都御史勘得子房山前蝦蟆山西俱有  
伏石馬家橋一帶俱係水占難以議開前議  
遂止萬歷三年十一月內黃水大發茶城淤  
塞十里調夫挑通萬歷四年茶城淤淺糧運  
艱阻復開張孤山東以冀此塞彼通至萬歷



五年二河俱淤復開茶城正河通運萬曆六

年茶城淤淺徐州道叅政游季勳築過石水

丁頭壩一十六道束水衝刷萬曆七八

等年淤塞尤甚至十一年間該司河頭中陳

瑛議呈漕撫尙書凌雲翼改漕河於古洪出

口卽今之鎮口閘河也翔建內華古洪二閘

遞互啓閉淤難深入而去黃河口僅一里挑

濬甚易人頗便之萬曆十五年秋黃水大發

河與閘平而棍徒段守金私受民船重賄將

牛角灣掘開黃水迸入淤塞甚遠議者欲復  
歸德府丁家道口故道使黃水盡出小浮橋

以免濁河內灌該勘工都給事中常居敬看  
得開河出口無往而不會黃則無往而不受

淤豈從濁河則淤而出小浮橋則否耶具疏  
題寢請於古洪開外添設鎮口一開去河僅八十

丈縱有沙淤挑濬尤易蓋深知清黃交接之  
處難免淤灌故不得已而爲易濬之計良有  
以也今之議者不察水勢不鑒往昔偶見淤

壅議論風生如臣昏庸無足論矣向來總河  
諸臣豈無一人高才朗識者乎而卒無如之  
何也大小溜溝淤矣改而爲梁山北淤亦如  
之梁山北淤矣改而爲茶城淤亦如之茶城  
淤矣改而爲張孤山東淤亦如之張孤山東  
淤矣復改而爲茶城淤亦如之茶城復淤矣  
改而爲古洪淤亦如之勞民傷財畢竟無益  
所幸郎中陳夔都給事中常居敬先後剏築  
三閘遞互啓閉而挑濬始易計無出於此矣

臣又查得萬曆十六年閏六月內該臣題爲  
清黃交接處所濁流倒灌易淤懇乞

特降綸音以嚴開禁事要將古洪等閘每遇黃水暴  
發卽下板以遏濁流之橫黃水消落則啓板  
以縱泉水之出比照清江浦三閘啓閉之法  
刻石金書豎立各閘俾知畏忌等因題奉

聖旨是各閘啓閉嚴約俱依擬有勢豪人等阻撓的  
照淮安閘壩事例卽便拿問枷號干礙職官指  
名叅奏欽此倘如所題何至淤澱而

王程難稽客心難挽開上官牌力難阻遏每照常  
居敬原

題三閘遞互啓閉之法通放船隻縱有淤淺不過  
八十丈旋濬旋放亦無難者至於運艘入口  
大約俱在孟夏以前水未大發淤亦不久或  
少加撈濬之工必無阻滯舍此之外別無他  
策如謂鎮口逼近濁河故易灌塞要得別尋  
一道則邳州之直河離濁河二百里矣而何  
其淤也宿遷縣之小河口去濁河三百餘里

矣而何其淤也清河縣之清口去濁河五百餘里矣而全淮之力十倍於漕何以黃發卽澀而每歲初伏通濟閘外捲築輓壩以防其倒灌也要之黃強清弱隨處相接則隨處倒灌隨處淤塞總之不出科臣常居敬所云無往而不會黃則無往而不受淤兩言盡之矣似不必過爲紛更也但人情不見其形未信其影必須勘議以杜後言此其一矣臣又查得濱河州縣河高於地者在南直隸則有徐

邳泗三州宿遷桃源清河三縣在山東則有  
曹單金鄉城武四縣在河南則有虞城夏邑  
永城三縣而河南省城則河高於地丈餘矣  
惟宿遷一縣已於萬曆七年改遷山麓其餘  
州縣則全恃護城一隄以爲保障各處久已  
相安並無他說惟徐州則議論稍多其故有  
二一以山陝久旱之後連歲兩水頗多伏秋  
不免加漲觀者不考其源而惟歸罪於河固  
無恠其然矣一以前歲十一月間知州張世

美初任未諳爲義民官盧泰所愚開隄放水  
遂忘築塞消凌水發黃水灌入內濠侵及街  
衢地方官民不歸罪於知州張世美與義官  
盧泰而惟歸罪於河至有謂護隄與城平者  
有謂泉從地湧者夫護城石隄自昔有之非  
一二年間所築者則河之原高於地可知矣  
且隄高不過丈餘遂謂與城相平城何若是  
其卑耶徐州爲邳睢上游徐州而水平隄隄  
平城也則迤南一帶州縣皆陸沉矣有是理



哉且黃河入伏始漲秋杪漸消冬春則涸隄  
外露有沙灘非經年滄浸者近該徐州於去  
年十一月間揭稱河水已消再過數日內水

可放臣近又令人視水將及址矣今稱入冬  
黃水尚與隄平則伏秋又將何如耶至於隄  
內之水蓋因盧泰灌放頗多兼之去歲雨雪  
甚頻徐民不善車戽一時難於消涸若謂泉  
從地湧則城中之水宜向與外河相平卽護  
隄無所用之矣何待盧泰放灌之後方有水

耶非臣所能解也然臣有治河之責凡可圖  
維卽宜曲處不必問其人言之有無也臣已  
行徐州道將城中窪地用土墊高仍一面撥  
夫車戽復查最低之處開洩自去年九月以  
來向在料理不敢弛墮但爲今之計惟有戽  
城濠之水使內水可洩固護城之隄使外水  
不入正盧泰之罪以警將來或加高徐城數  
尺以防不虞此則事理之所當爲而人力之  
所可爲者也舍此惟有比照宿遷縣事例遷

城而已蓋所患者惟徐城之積水於運道原  
無阻礙若必欲卑黃河伏秋之水以就徐城  
之地則天地氣候之自然恐非人力所能強  
過者勞民傷財之事或從此起矣人情厭舊  
喜新臣言終不盡信臣在自當力諍必不依  
違第今衰病已劇死有日矣獨念臣從事此  
河已歷

三朝犬馬戀

主之情豈肯以將去而遂置此河於度外耶伏望

敕下該部轉行該地方巡撫及各差御史會同總河  
衙門督行徐州道副使陳文燧或添委海潁  
二道中河夏鎮二分司逐一勘議如有別策  
使漕黃交接之處可免淤灌之患徐州城外  
之水可免暴漲之虞不妨從長計議如必不  
可當仍舊貫毋徇人情毋拘成說務求經久  
可行之道不爲勞費無益之工則事體盡一  
而浮言可息矣再照徐城被水灌浸以貽百  
姓之憂者盧泰實始禍之人死有餘辜者也

臣據該州申文行道提究未報此而貸之何  
以警後仍容總河衙門嚴究以正法紀庶幾  
將來知護隄之爲重而無輕犯者矣謹題請

旨奉

旨

司道畫地巡守疏

臣潘季馴謹

題爲入伏行河將屆病痲步履不前乞

敕司道畫地巡守容臣力疾稽查以保萬全事臣竊

惟河防喫緊伏秋爲嚴而伏秋隄防巡視爲急此臣與司道官之責也但該道政務頗繁勢固不能專理司官事權不重勢亦有所難行故臣受事以來春初卽出秋深方歸凡所以代該道之所不暇而助司官之所不及者一切以身任之東奔西馳周諮荒度曾無息肩駐足之時也今陞年七十有一去冬暴病沾危氣血兩枯形神盡槁腰疾成痼舉足輒仆三疏乞休未奉

俞旨即使旦晚褫黜候代尚未可期文移催督之事  
猶自勉強支吾而奔走跋涉之勞實非僮僕  
蹇澁者所能任也今歲五月入伏初夏卽當  
發水晝夜惶懼計無所施反覆思維惟有司  
道官晝地巡行臣時加督察庶可責成除河  
南山東各有專道副使一員心無他枝事有  
成矩每歲查照舊規用工修守無容分任外  
查得中河地方原有郎中一員與徐州道共  
理南河地方原有郎中一員與徐州海防二

道共理夏鎮地方原有主事一員與徐州道  
共理道里頗遠閱視難周一人則有所不逮  
兩官則易於推諉合將邳州并睢寧桃源清  
河三縣坐派郎中沈修專管修滿去任代者  
接管徐州并豐沛碭山靈璧宿遷五縣坐派  
副使陳文燧專管山陽縣南地界起至清河  
口止又有清江浦起至戴百戶營止文華寺  
起至高家堰越城南止一帶河防坐派郎中  
黃日謹專管高郵寶應江都瓜儀一帶河防



坐派按察司張允濟專管自珠梅開起至鎮  
口止并支將軍廟塔山一帶徐州道所轄地

方頗多相應專派主事余繼善管理如有疎  
虞照地指名叅究肩仔在身智慮自畢分委  
已定規避自無合拳獨擊勝於十羊九牧者  
多矣矧今諸隄俱完兩河循軌惟欲於掃灣  
迎溜之處督促埽護以免汕刷洪水暴漲之  
日躬親閱視以防懈弛此司道之力所裕如  
者該道一切往來姑暫停止其部臣所轄州

縣有不奉該司約束者容臣提問具

奏臣職任在河蒙

恩以河一口未死何敢忘河病劇計窮萬不得已而  
溷下

天聽如此倘蒙我

皇上以河防重務衰病非宜將臣卽

賜罷黜使臣得以全河付之代者則死亦瞑目矣伏

望

敕下該部再加查議如果臣言可採覆奉

明旨咨臣轉行各該司道查照應管地方欽遵施行  
庶幾地有專司人有專轄利害切心經理心  
慎而河防永有賴矣奉

聖旨這河道畫地巡守事宜俱依擬着實行潘季馴  
着不妨在任調理用心經理督察該部知道  
申明修守泗隄工完疏

臣潘季馴謹

題爲申明修守事宜以圖永賴事據潁州兵備副  
使王之猷呈稱節奉總理河道并撫按衙門

卷十二  
劉案行職將原題

准泗州應修護城土石隄工勒限興舉上緊報竣遵  
依轉行鳳陽府督率該州知州汪一右分委  
同知等官馬尚綱等親詣工所如法率作將  
原估石隄內應換老土自北門迤西月隄自  
西門香花門南門至東門迤北新橋廟止共  
長一千四百五十六丈貼近石隄內挖深七  
尺濶三尺仍於隄裏幫濶五尺高七尺中心  
挖去五尺濶一丈一尺計土論方共築過者

土三萬一千三百六十九方自新橋口起北  
至西門牌坊止應加修石隄長九百三十二  
丈加高二尺用石二層共砌大石一千八百  
六十四丈石隄內加老土九千五百三十九  
方白蚶蜡廟起出西門至香花門外止添建  
子隄長一千六百八十丈用碎石砌高二尺  
五寸濶二尺五寸自西門牌坊起迤南至東  
門迤北新橋口止隄長一千一百六十五丈  
裂縫裏外俱用石灰兜搨又於原議護隄之

外應添修新橋迤南大隄用石長六十一丈  
窰西石隄三處共用石長二十五丈攔水壩  
長二十五丈攔馬牆一處以上工程自萬曆  
十七年七月二十五日興舉至十八年九月  
二十九日通完訖已蒙本院委官親詣各工  
覆加閱視丈量明白俱各修理堅固及查採  
取土石遵照禁例老土石取臨縣西五十里  
馬過紫縣東二十五里老土石取六石在舊  
縣迤南澗溪青平山離城一百二十里碎石

在清河縣地名老子等山離城四十五里俱

由水路裝運悉係禁山之外並無違礙其原

發工料銀四千九百三十兩零五分七厘二

毫九微九纖五沙內支土石灰料樁本并匠

作夫船工食共用過銀三千八百九十九兩

三錢六分五釐實省剩銀一千零三十兩六

錢九分二釐二毫九微九纖五沙貯庫除用

過錢糧細數已委鳳陽府推官蓋國士查盤

明的造冊送覈外所據完過工程丈尺日期

并經管官員職名分別勤惰獎戒等第理合呈報等因又據鳳陽府推官蓋國士呈蒙總理河道并漕撫衙門憲牌仰職前去泗州將護城隄工逐一覈實依蒙親歷該州沿隄逐一細加查閱完過土隄俱係直正老土夯杵堅實取驗土色相同並無夾雜浮沙石隄亦皆如法修砌堅固可垂久遠等因各呈報到臣據此案照萬歷十六年八月內該臣具題前事欵開一加幫直土以保護隄查得泗州



護隄當水一面甃石可恃但石內土隄霖雨  
坍塌石將安附等因該工部覆議築土固石  
委宜亟舉題奉

欽依備咨前來已經備行該道估勘得前隄換土加  
石工料等項通共該銀四千九百二十九兩  
三錢六分五厘通詳各院隨該前任漕撫侍  
郎舒應龍看得修築泗隄禦淮保城宜在冬  
春水落之候先行儻築如候催齊工費完足  
方行興工不無稽延時日批行該道節次查

發鳳陽府并潁州庫貯無礙銀共一千七百  
三十二兩四錢七分零運司醃切銀八百一  
十五兩零鳳陽府紙贖等銀六百三十四兩  
二錢二分三毫廬州府屬并滁州全椒來安  
二縣積剩銀共三百四十八兩一錢七分一  
釐五毫本道自理紙贖銀三百兩潁州庫貯  
支剩民壯工食銀六百五十三兩五分六釐  
零以上共銀四千四百八十二兩九錢一分  
二釐八毫委官支領分投興工尚少銀四百

四十六兩四錢四分七釐二毫呈要查處給  
發緣由通詳到臣會同撫按衙門查有淮安  
府庫貯停濬草灣銀六千一百四十四兩六  
錢相應於內動支銀四百四十六兩四錢四  
分七釐二毫解發泗州補足原估之數作速  
僱工勒限本年告完聽臣等委官覈驗工程  
的確錢糧明白造冊

奏繳其餘存停濬草灣銀兩仍令收貯淮庫聽候  
原議防守清浦河工支用等因具題本部覆

奉

欽依備咨前來已行該道督理動發銀兩支用間臣等又於隄工未舉之先嚴行該道申飭禁例泗州諸山密邇

相陵山前山後不許取土取石敢有黃緣縱夫在於就近山場挖取者即便拿究取有該州掌印管工重甘結狀在卷續據該道呈報工完惟恐丈尺短少築砌不堅又經復委鳳陽府推

官蓋國士查覈去後今據前因該臣會同總

督漕撫右侍郎周寀巡按直隸監察御史龔  
雲致看得淮水發自河南之桐栢山挾七十  
二溪之水東會于黃以入于海其性最暴而  
泗州居淮河之下流甲于

祖陵之地二丈三尺一寸而龜山橫截河中約攔水  
勢伏秋之時不免加漲此於

祖陵形勢最爲佳勝而泗州之民不免有阻漕之患  
矣臣等查得宋臣歐陽修先春亭記有云景  
祐三年泗州張守問民之所素病而治其尤

暴者曰暴莫大于淮越明年春作城之外隄高三丈三尺則泗城之藉於護隄者久矣隄高三丈三尺則水之高可知矣而歲久浸廢前功盡毀萬歷四五年間巡按御史見任刑部侍郎邵陞築隄爲護甃石爲堅泗民恃以爲安者十五年矣至今名其隄爲邵公隄而風雨淋漓車馬蹂躪內土不免傾圯臣於受事之初躬往視之誠慮其土去而石無所附也遂以爲

請隨該工部覆奉

欽依漕撫侍郎舒應龍多方搜括鳩工庀材始克有濟然該地方大小諸臣拮据鞅掌畚鍤間者歲有二月而後告成其勤勞亦有不可泯者然係人臣分內之事何敢過爲干

請除佐幕義民等官勞勩未多臣等量行獎賞舊縣巡檢張謨酣飲廢事徑行戒飭不敢瀆陳外如潁州兵備道副使王之猶風猶峻潔功令嚴明勘覆務極其精詳而工作無虛飾之弊

稽查不遺于絲粟而錢糧無冒破之奸已經  
臣於年終例薦仍應咨部紀緣者如鳳陽  
府知府李驥千推官蓋國士泗州知州汪一  
右以上三員志存捍患念切急公綜理密而  
縮費大裒原額調派均而撫循尤所留心允  
宜優獎仍咨吏部紀緣者也泗州同知馬尚  
綱泗州衛指揮王畿泗州吏目李元嗣泗州  
衛鎮撫王有功千戶陶承祖路由正盱眙縣  
典史曹自高以上七員殫力驅馳勞瘁不辭



于寒暑悉心催督勤劬無間于始終所當量  
獎併行紀錄者也餘剩銀一千三十兩六錢  
九分二釐零內將草灣銀四百四十六兩四  
錢四分七釐二毫仍歸淮庫聽候修河支用  
其餘無礙銀五百八十四兩二錢四分零聽  
候漕撫衙門作正支銷除將支用過工料項  
欵銀數造冊

奏繳外伏望

敕下該部再加查議如果臣等所言非謬覆請

明旨行臣等遵奉施行應獎官員容行該道動支該  
府州無礙銀兩分別等第給散謹題請

旨奉

聖旨工部知道該工部覆奉

聖旨是這各官紀綠獎戒等項俱依擬

議創石隄疏

臣潘季馴謹

題爲議創石隄以垂永賴事據夏鎮分司工部都

水司主事余繼善呈稱本職奉本院劄付內

開准工部咨該本院題奉

欽依自珠梅開起至鎮口開止併支廟塔山一帶一

應修守工程專責本職管理隨查得先蒙本

院爲酌議漕隄以圖經久事仰職照牌事理

卽便查議近修漕河一帶繚道橋梁運艘過

日委果可恃就便一意修整堅固以垂永久

如悉用土隄爲便要見前被衝損今作何法

能禦衝汕之患取土作何裝運物料錢糧作

何出辦逐一虛心酌議務求確當呈詳施行

如該司別有良策不妨從長計議以憑酌議  
具

題毋得含糊兩可以致後艱蒙此本職俯思職掌  
既已分土從此一有失誤皆職之責也豈容  
他諉即將所轄上下河道與今酌議事宜細  
加檢點看得本管河渠鎮口當清黃交接之  
處常有倒灌淤塞之虞本職請加鎮口古洪  
開石以峻隄防仍建河口木閘一座以便桃  
濬東築戴家山橫隄使外水不得漫入西築

支廟隄令濁河不得越過牛角灣門戶關鎖甚密兩翼相抱如環明效亦可睹已惟運舟入漕之後必有隄岸緯挽少有殘缺便成阻隔查得溜溝至姜家橋一帶皆係一線之隄外濱微山呂孟諸湖內通西湖風掀浪湧內外加攻質非金石欲保常固難矣每歲東修西補僅可支吾一時今春風雨更甚損壞尤多該職將全缺處所採取木料塔置橋梁既可緯挽而水勢通融又可內洩以增漕水之

盛其餘殘缺隄岸亦皆修葺完固但木橋易損客土難堅終非一勞永逸之計查得微赤諸山多產石塊道里甚近如多置船隻載取山石砌成兩面石隄每三里留一水口丈餘上面鋪橋通行下縱水勢入運旣成金隄之固又有濟漕之益蓋隄而橋者也永賴之計無出於此隨文查估得應用物料自溜溝起至姜家橋止計七千二百丈兩面俱用石砌高一丈一二尺不等每丈用石一十二三層

不等內用底石襯護大小濶狹不等難計丈數俱令本管夫匠於微赤等山採運合用石匠二百名在於本管夫內選用抹縫石灰撥夫採柴燒用隄心上填築議令回空糧船并空載民船上於賊城下於境山高阜處所稍帶差委職官監發運送本隄交卸俱未議錢糧外惟有擎石杉椿每丈用短椿六十根共四十三萬二千根每五根折長椿一根共折八萬六千四百根每根價銀一錢共該銀

八千六百四十兩運石下樁須用船隻今議  
買民船八十隻每隻價銀十兩共該銀八百  
兩二項共該銀九千四百四十兩其餘零星  
小費本職另行議處今值錢糧匱乏之時不  
敢別請乞於原留餘剩二升米銀併歲修銀  
內支用雖所費僅將萬金而以數年幫修之  
費權之亦畧相當如蒙允行職當矢竭犬馬  
力督管河同知趙垌并各州縣掌印管河官  
措辦興舉此工告成則本職所轄河道一百



四十餘里登之覆蓋之固無復有不畢之慮  
遺後日之慮者矣等因到臣卷查先該司  
行該司會查近修內漕一帶橋梁繙道是不  
可久又該臣題奉

欽依分任司道畫地巡守劄行本官去後今據前因  
爲照主事余繼善所該地方實係漕黃濱鄰  
交會之所而二三年間本官既竭心力築隄  
設關防護頗周似無慮矣所緣溜溝溝姜家橋  
一帶繙路較之河防雖有不同而揆之利涉

亦當周備今以一線之隄居諸湖之中風浪衝刷勢所不免故隨修隨圯旋壞旋築蓋自設隄以來卽有然者本官議將木楔兩邊用石鑲砌每三里留一橋門使內外之水通融縈會並流出關則旣免阻遏之虞又無衝潰之患且工費不過萬金錢糧取之歲額計無善於此矣伏望

敕下該部再加查議如果臣言可採覆奉

明旨容臣督行主事余繼善率同各掌印管河官將

各項料物器具分投措辦法毫無其應動  
銀兩派撥官夫及買船帶土一切事宜悉照  
本官所議施行未盡事宜臨期再行斟酌但  
道里頗遠工作亦煩矧非洗鍋待爨之工無  
妨次第興舉惟在堅久可恃不必刻立限程  
工完之日聽總理衙門覆覈明實如果工程  
堅好足垂永久優叙奏

請以勵羣工若虛應故事定行參究用過錢糧造冊  
奏繳漕渠幸甚臣愚幸甚謹題請

旨奉

聖旨工部知道該工部覆奉

聖旨是

會勘徐城鎮口疏

臣潘季馴謹

題爲垂亡之人憂思轉切謹摘河上一二易惑浮  
言乞

恩俯賜勘議以定久計以免勞費竝據管理中河郎

申沈修夏鎮主事余繼善淮揚海防兵備按

察使張允濟賴州兵備副使王之猶徐州兵  
備副使陳文燧會呈蒙臣并漕運巡撫右侍  
郎周寀劄付俱准工部咨爲前事并工科都  
給事中楊其休等題爲臨河要地水漲可虞  
乞

設勘議以慰人心事及蒙巡漕復史賈名儒案驗奉  
都察院劄付同前事備行職等會同詳勘要  
見各疏內所稱加隄加城以後黃水暴發有  
無可以捍禦遷城避患士民意見有無翕然

相同開隄分水是否可免衝決通湖洩水是  
否可免停漲此外有何長便之策足爲河防  
久遠之利務要虛心計處毋得漫爲兩可之  
言致誤大計其鎮口閘座若果別有善地何  
以改建亦不妨從實勘報知以清黃交會之  
處無往不淤見在閘座去口尚近易於疏濬  
仍應照舊亦要明白聲說以杜後議各司道  
務須體勘詳確會議妥當具由通詳以憑覆

勘會

題施行等因奉此該職等關會勘議并行淮安府

管河同知趙圳督同徐州掌印管河官逐

址議去後今據呈稱查得徐城坐臨河濱歲

受黃河之害其來遠矣隆慶年間黃水暴漲

幾潰西門先任同知馮鏗解衣囊土爲士民

倡力堵其門萬歷初年議築護城隄以爲捍

禦舊歲黃漲異常兼以陰雨過多以致徐城

積水無路洩出城內卑民房舍折卸過半州

墀學言盡皆阻淤近蒙本道遍歷各處相度

形勢勘得自護城隄涵洞起斜向東南歷魁

山至蘇伯湖西勘至史家村陳家林晁夏二

湖楊二莊闢曠直抵宿州符籬集東小河止

計長一百六十二里堪以開渠洩水分布官

夫挑成支河一道隨開涵洞放水勢若建瓴

而徐城積水數日之間日見消落今驗城濠

水已洩四尺九寸三分城水已洩三尺七寸

九分見今滔滔南流居址街衢盡成亢爽徐

城已危再安士民旣徙復還但此河新開善



後事宜所當計處者有三一築隄防以固保障一議閘座以嚴啓閉一加常夫以固防守又勘得鎮口閘內係清水外係黃流平時清水外出閘口自無淤阻若黃水漲則清弱黃高濁流內灌不免停淤顧今閘口去河止八丈疏濬易於爲力今若別從改遷求以免淤則先年溜溝淤而收梁山復收茶城改張孤山改古洪又何以屢遷屢塞也相應仍從鎮口爲便但閘座旣已照舊而善後應議之

事亦有三一復常夫以便挑濬一嚴啓閉以  
防出入一設專官以便彈壓再照魁山支河  
旣通徐城積水已洩不惟目前可救沮洳卽  
千萬禩永恃此河以爲奠安之計較比改河  
子房山下省費數萬金遷城邱墟之上省費  
又數倍前者遷城改河之說似可免議等因  
呈詳司道該職等會議得救民者變則必通  
而治水者行所無事蓋天下之事無全利亦  
無全害而怠之則爲豫蠱擾之則爲拂經權

利害之大小而不怠不擾則安民利

國自無難事而衆見之公獨見之明均有不  
者

國家定鼎燕冀歲漕東南粳粟四百萬石由徐入  
鎮口達清濟實

京師徐州固稱扼控衝襟而轉運漕艘必資黃河  
之水黃水奔騰剽悍排山襄陵自昔患之徐  
城初建隔遠黃河宋熙寧十年河決澶淵經  
遶城下遂苦水患元時移城廣運倉基未幾

水復衝齧城不能保我

明復還舊地萬歷初年創築護隄設減水閘以洩伏  
水始得安堵邇因關陝久旱之餘仍之積潦  
內水難洩兼之十七年閘吏放水灌入十八  
年雨雪異常積水增漲四隅軍民房舍幾于  
沉竈產蛙土民紛紛異議或謂河水冬春未  
消地泉湧出請從碭山縣戎家口建石壩分  
黃河上流爲保城計又欲改黃河子房山下  
出徐洪後遠避城根是謂河病則徐亦病治

河卽所以治徐也而城內積水自昔已然卽

改漕河未必能救遷城時久費巨無救眉急

該徐州道陳副使遵奉河撫二院明文勘議

魁山以南歷瑤家村蕭縣楊二莊宿遷闕疇

地方以達小河綿亘一百六十二里可挑支

河以洩城水鳩集夫匠一萬餘名疏鑿土石

工程至閏三月初三日各工告竣初四日開

放勢若建瓴決洶之間消洩殆盡濠水洩出

城根城水洩出舊址官舍民居盡獲安堵轉

徙之民復還故處還定安集今昔殊觀不惟  
遷城改河之說無容別議而有此支河則有  
此州治將爲永賴之利矣但此河初開尚覺  
草創則善後長策誠有如本官所議者至於  
鎮口閘爲漕艘入閘咽喉初從溜溝溜溝淤  
改之爲梁山梁山淤改之爲茶城茶城淤改  
之爲張孤山張孤山淤改之爲古洪萬歷十  
五年古洪復淤回空阻誤蒙

皇上特遣工科常都給事中勘議增設鎮口一閘亦

知黃強清弱理勢之常清黃相會無處不淤

無論溜溝梁山茶城張孤山古洪爲濁河勿

會勢不免於淤墊而邳州之直河宿遷之小

河乃黃河下流亦且灌阻則舍古洪而他徙

由之古洪也且鎮口去河八十丈近而易濬

轉運數年諸艘通利惟十八年伏水發於五

月十三比昔太早經冬雨雪遂成冰凍旅使

船隻稍覺濡滯而喙喙爭鳴浮議復起今欲

議長策擇善地職等謂資黃濟漕而欲黃不

爲害卽神禹復生未有完策祇緣官夫不能  
疏導啓閉不遵法禁則十五年八九月間阻  
船數千幾致意外此則可爲隱憂而漕渠有  
必致之水勢治河無盡省之人功酌時宜申  
舊法如本官與該州所議諸事毅然行之卽  
行所無事而漕渠永利固非敢持獨見面自  
用也謹用開款列陳伏乞再加裁酌

題覆遵行卽兩地蒙安勞費且省

國計民生胥有恃賴矣等因呈詳到臣案照先准



工部咨該臣題前事謂鎮口清黃交接無往  
不淤另尋別道隨地皆然徐城積水止因義  
民盧泰放水灌入又兼去歲雨雪甚多以致  
難消乞行勘議以息浮言以省勞費又該工  
科都給事中楊其休等題爲臨河要地水漲  
可虞乞

救勘議以慰人心事謂徐城河水不落則地下之浸  
灌必深河勢日高則城中之宣洩爲難欲開  
月河以分水勢使徐無衝決之患通蘇伯湖

以導積水使徐無停漲之虞要行會勘從長  
計議等因俱經該部覆奉

聖旨是着河漕等衙門勘議停當具奏欽此移咨臣  
等隨經備行各司道逐一虛心會勘去後今  
據前因該臣會同漕撫侍郎周案巡漕御史  
賈名儒等將徐城新開支河併鎮口閘等處  
逐一躬親閱視委與該司道所呈無異爲照  
徐城外河原係山東汶泗諸泉卽今鎮口閘  
所出之水也涓涓之流卑於徐城之地多矣

自宋熙寧十年黃河南徙會淮其勢始高徐  
城遂有水患據宋臣蘇軾入市巷問井之言  
則彼時河水委入徐城業再遷矣延至萬歷  
初年原任徐州道副使見任南京兵部尚書  
舒應龍劾築護城石隄而黃河始與徐城隔  
絕了無干涉矣止因萬歷十七年義民盧泰  
啓開放水內灌而十八年雨雪連綿無處開  
洩遂至盈溢議論紛然或主遷城或主改河  
臣是以有請勘之疏而工科都給事中楊其

休等亦具疏催勘今新開支河卽科疏所稱  
蘇伯湖地方而此渠一開城水盡洩內渠曾  
無潛滋暗長外河亦無停蓄不流則城水之  
無預於外河可想見矣且故河係

祖宗運渠固難輕改而河不兩行徒滋勞費若遷城  
本以避水今徐城安堵如故又似可免議遷  
矣至於鎮口閘外係清黃交接之處平時清  
水外出其流甚順一遇黃水暴漲不免倒灌  
成淤先年溜溝改梁山又改而爲茶城爲張

孤山爲古洪竟不能免如必欲爲快意可喜  
之事須得清黃不會之處可也而運艘全資  
黃水豈能以不會哉勘工都給事中常居敬  
所云無往而不會黃則無往而不淤墊誠爲  
不易之論也然鎮口去河止八十丈淤墊不  
多挑濬亦易隨濬隨進人力可施糧運無阻  
部疏所稱清黃交會之處無往不淤見在閘  
座去口尚近易於疏濬仍應照舊科疏所稱  
鎮口乃清濁交流之會黃水一發倒灌入漕

而河遂淤黃強清弱隨通隨塞無適非是已  
爲確見臣等又何敢爲無益之紛更哉伏望  
敕下該部再加詳議覆奉

明旨容臣等遵奉施行其該司道欵列事宜臣等覆  
加叅酌開坐于後恭候

聖明裁奪臣等無任激切屏營之至爲此謹題請  
旨

詳開

一甃石隄以固保障照得新開支河去城

五里卽爲魁山石渠逼臨河濱約有一  
百餘丈已經剝築土隄防護但恐客土  
未堅暴漲易塌濁流內灌上下盈溢不  
惟徐城有倒注之虞而新渠亦難免淤  
墊之患矣合將前隄用石包砌以爲一  
勞永逸之計工費銀兩應於城隄銀內  
動支伏候

聖裁

建閘座以便啓閉照得州城東南護隄

原設涵洞一座見今隄開洞啓城水已  
洩基址街道並成亢爽則城內之水固  
藉此口南注而濱河居民要從此河轉  
輸倉糧搬運貨物避黃河之風濤省舟  
車之顧賃不願填塞其情亦當俯從但  
閘座不設啓閉無時有如黃水暴漲潰  
隄內灌城中之展未可安枕而卧也合  
將東門減水舊閘壘添工費移建本處  
請添閘官一員并乞



欽定名目以垂永久再撥新募人夫十名以司啓閉  
如遇黃漲鍵關固守消落卽行開放費  
用不多而利賴無窮矣伏候

聖裁

一設長夫以備修守照得魁山支河自徐州至小河延長一百六十二里原係沙土新開日夜經流未免坍淤且陳家林迤北土隄未堅蘇伯湖一帶伊秋黃水可慮合照邳睢事例添設隄夫二百五

十名除見在遊夫一百名外應增一百五十名卽於都事胡傅所領二升米銀募夫內撥發專管修守本隄并護城隄仍每五里建舖一座以便各夫棲止應用料價於城隄銀內動支仍責成鎮口總管官兼攝其事庶緩急有濟而近年失守灌城之事當不再蹈覆轍矣伏候

聖裁

一 改隄夫以專疏濬照得鎮口閘外卽爲

黃河黃濁倒灌則必淤墊全藉挑濬通行而糧船體製重厚往來多挾私貨非併力捧輓豈能利涉先該工部題覆勘河都給事中常居敬條議將徐呂二洪人夫摘撥六百三十三名專司鎮口諸閘嗣因年歉稅少工食不敷裁減二百三十三名止存四百名分派前閘洩溜其工銀收支夏鎮湖租非不稱善而糧運之時苦不選用查得徐州上河判官

分管該州一帶西隄額夫三百二十九  
名原屬中河管轄而西隄專爲防護內  
漕應屬夏鎮分司事體方便合將前縷  
隄并夫改屬夏鎮分司管理再於都事  
副傅所領募夫內調撥二百名夏鎮分  
司再於各閘壩袁撥七十一名共一千  
名并三閘夫六十名俱責上河官管領  
悉聽夏鎮總管官調度專令住守本口  
但有灌淤併力疏濬運艘入口分投扯

漕運完之日卽行幫築西隄度糧運無阻而河官亦免推諉矣伏候

聖裁

一信法令以防淤阻先該總河衙門題將鎮口比照淮安閘規嚴禁啓閉該部覆議凡遇黃河暴漲卽便閉閘一應官民船隻俱遵閘規放行政有阻撓拿問叅奏至於鮮

貢諸船如遇黃水盛發亦令暫候刻石金書昭如

星日而每歲伏秋閉閘避黃往來船隻公然違背禁例閘吏理阻備受荼毒甚至有斬關而出者矣頻起頻淤日無寧晷而回空糧船經月守候有誤新運誤事不小合再申飭今後除進貢

龍袍鮮品船隻嚴催五月以前入閘外其餘棕藤架木與使客等船但遇黃漲閉閘守候外水消落啓板通行若

王程迫促不能緩待者聽該州拘留閘口內外泊

船互相倒換敢有勢要抗違法禁及家人船頭攬裝違禁私貨夾帶民船捨關射利者聽管河官呈報總河衙門照例叅拿重治庶法例森嚴而閘口不致常淤矣伏候

聖裁

一添設職官以便彈壓照得鎮口首閘清黃交會灌淤之患必不能免而督夫挑濬派撥捧輓阻遏勢要必得職事稍重

清史一覽  
卷一十一  
官員方可專責成而便駕馭也先該部  
給事中常居敬題

請淮安府管河同知移住境山誠於開務有裨但靈  
睢邳宿河防最爲險要一官豈能遙制  
故不得已仍歸邳州舊署而判官職微  
權輕無可托重勢要經臨則吞聲啓關  
黃水內灌則束手無措合無添設府運  
專官一員駐劄境山地方將珠梅閘起  
至鎮口閘外一帶河道併徐州護隄及



新開支河防濬事宜悉付本官管理其

自徐州迤南并豐碭沛河道仍歸原設

管河同知則地分而幹辦克濟任專而

責成自易矣再照設官不難而得人爲

難要害之區似非練習有素者鮮不僨

事查得見今添設徐邳管河帶銜山東

都事胡傳徐州管糧判官蔣繼祖才力

俱堪是任蔣繼祖履任未期遽難轉擢

胡傳歷官河上先後已逾九年累經保

河防二覽 卷十一  
薦先該河漕衙門會

請加銜管理邳州河務因註選已定未經推補合無  
卽將本官加陞職銜管理前項地方隄  
閘事務上河判官聽其調度則付托得  
人而河防有賴矣伏候

聖裁奉

聖旨工部知道

工部覆前疏

題爲垂亡之人憂思轉切謹摘河上二二易感浮

言乞

恩俯賜勘議以定久計以免勞費事該本部題都水  
清吏司案呈奉本部送工科抄出總理河道  
兼理軍務右都御史潘季馴總督漕運提督  
軍務右侍郎周案巡漕御史賈名儒題同前  
事各等因俱奉

聖旨工部知道欽此欽遵抄出到部送司案查本年  
三月內該總理河道右都御史潘季馴題前  
事又該工科都給事中楊其休等題爲臨河

河防一覽  
卷一  
要地水漲可虞乞

敕勘議以慰人心事各題議勘改鎮口閘遷徐州城  
避水患緣由等因該本部覆奉

聖旨是着河漕等衙門勘議停當具奏欽此備行河  
漕等衙門欽遵勘議去後今該前因案呈到  
部看得治河一如治虜防口甚於防川自昨  
夏黃河非時驟漲客冬徐城積水未消或議  
當改河以全城或議當遷城以避河或議當  
改建鎮口一閘以免黃水倒灌衆論紛紜靡

所決策臣等亦知事體重大遽難輕議特以  
運道民命所關苟有裨於禦災捍患卽興大  
役動大衆自不當以勞費爲解故因右都御  
史潘季馴都給事中楊其休等先後條陳覆  
請會勘無非欲廣集衆思確求至當以息訛  
言以定久計今該總河總漕二臣及巡漕御  
史會題前因大率謂魁山支河旣開城水盡  
洩改河遷城無容復議鎮口閘去黃河甚近  
卽有倒灌易於挑濬仍應照舊并將河閘善

後事宜開款上

請勘議明的衆論僉同既可以省目前之勞費又可  
以破一肯之羣疑相應依擬內除添設管河  
府佐一款徑咨吏部議覆外謹將毳石隄等  
五事酌議覆

請恭候

命下容臣等移咨河漕部院及咨都察院轉行巡漕  
御史督率司道等官將一應善後事宜查照  
覆議着實遵行仍咨總河大臣此外如有未

盡事體不妨及時條議上

聞次第修舉務使河防州治可永恃以無虞道路傳  
言不更興於異日庶幾

國計民生咸有攸賴等因奉

聖旨依議行

計開

一 甃石隄以固保障

前件看得徐州新開支河惟魁山一帶  
最爲緊要其隄岸雖經用土砌築但

本隄逼臨黃河誠恐客土未堅暴漲  
易塌濁流內灌不惟徐城有倒注之  
虞而新渠亦難免淤墊之患合依所  
議行令用石包砌一應工費俱於城  
隄銀內動支工完將用過數目造冊  
報部查考伏候

聖裁

一建閘座以便啓閉

前件看得徐城東南護隄原設涵洞一



座目今隄開洞啓城水已洩而濱河  
居民欲從此口轉輪搬運不願填塞  
議要就此開閘一座時其啓閉以防  
黃水內灌其石料卽將東門減水舊  
閘量添工費移建本口仍撥新募人  
夫十名常州看守以司啓閉旣係民  
情所願相繼佞擬其閘官應否添設  
并

欽定閘名俱候工完再加詳議移咨前來另行題

請伏候

聖裁

一設長夫以備修守

前件看得魁山支河延袤一百六十餘

里原係沙土新開易淤且陳家林迤

北上隄未堅蘇伯湖一帶伏秋黃水

可慮其本隄及護城隄委應撥夫修

守合依所議照邳睢事例添設隄夫

二百五十名除見在遊夫一百名外

應增一百五十名於都事胡傳輕齎  
二升米銀內雇募撥發應用仍每五  
里建舖一座以便各夫棲止一應工  
料價銀俱於城隍銀內支用備行夏  
鎮主事總管事完將用過銀兩數目  
報部查考伏候

聖裁

一改隄夫以專疏濬

前件看得鎮口閘外卽係黃河每遇黃

水倒灌勢必墊淤全資挑濬兼以糧艘體重貨多必藉撻挽先該本部題覆勘河都給事中常居敬疏將徐呂

二洪人夫責撥六百三十三名以供本閘各項役使後臣工食不敷裁減二百三十三名止存四百名分派前閘拽溜遇有修築疏濬之事動支缺人前項夫役委應增設合依所議將徐州上河判官分管該州一帶西隄

原屬中河郎中統轄者改屬夏鎮分  
司管轄卽將西隄原設額夫三百二  
十九名再於都事胡傅所領夫內撥  
二百名各開壩袁撥七十一名共足  
一千各并三閘夫六十名俱責上河  
判官管理悉聽夏鎮分司調度專令  
住守本口遇有灌淤併力疏濬運艘  
入口分投扯拽糧運完後卽行幫築  
西隄庶事體不致互相推諉夫役不

必另增工食一更置之間費省事集  
而運道有賴矣伏候

聖裁

一信法令以防淤阻

前件看得鎮口閘係清黃交接之處啓  
閉尤當以時閘禁不嚴則將有黃水  
灌入運道淤塞之患先於萬歷十六  
年閏六月內該總理河道右都御史  
潘季馴題稱茶城三閘要比照淮安

開禁事例將題

准明旨刻石金書堅立茶城之上該本部覆奉

欽依備行欽遵去後緣時久弊生人情玩愒法禁廢弛委當再行申飭如

龍袍貢鮮船隻照例于五月以前入關外其餘棕藤架木官民船隻倘遇黃水盛發通候  
消落啓板放行其

王程迫促不容緩待者許令地方官撥船搬剥如  
有官豪勢要及家人船頭攬裝私貨

夾帶民船違禁射利者許管河官指  
名揭報總河衙門查照原題從重叅  
提究治伏候

聖裁

報消泗水疏

臣潘季馴謹

題爲淮水已消流言未息謹將地方官節報水勢  
據實奏

聞仰慰



聖製事臣於本年十月間據泗州知州汪一右稟稱  
淮水自九月以後日消一二寸不等見今共

消四尺有餘續據該州申稱知州汪一右親  
督水手候大林內外打量水平淮水除前報  
外至十一月二十八日止又消過一尺五寸  
共消過五尺五寸其城內積水車退八寸五  
分及量外河水面尚高城內水面二尺餘圍  
隄自窰東至水草廟又禹王廟至西門二處  
隄根露出三四尺不等其城外濠水量得香

花門至西門比淮水高六寸又東南北三門  
比淮水高尺餘見俱挖隄出放已洩過四五  
寸若濠水洩平內水易於車戽擬合申報又  
據潁州兵備副使王之猷揭稱浮言搖亂  
防職不勝驚異夫淮河伏秋則漲冬深則涸  
其來非一日矣獨是今歲霖雨連綿雖若較  
之往歲苦水頗甚然亦時候消長使然三道  
會勘

陵水獨沱溝頗有水痕若下馬橋尚去湖水五十餘

步下馬橋去

陵殿尚二百餘步則全無水跡

御塚高出二十餘丈水何能侵及無藉之輩迺假此以聳動觀聽直無人心等因臣猶恐未的又行據該州知州汪一右申稱打量水平淮水報後又消過二寸連前共五尺七寸又看得祖陵下馬牌地面高於水面五尺七寸逐一丈量明白擬合回報等因到臣案照先該漕撫侍郎周寀等題爲州治積水靈潦益甚

根本重地居民墊溺乞

賜會勘亟處以甦災困事內稱本年淮水雖甚漲止  
及下馬橋去

陵尚遠而泗人困于水中無計自免動爲壽張之語  
以聳觀聽等因夫周案之疏正發于辭

陵之時目擊水勢甚真而其言如此則其意專在泗  
城之積雨非爲

祖陵也今據該道與該州節報申文揭帖是周案等  
發疏之後淮水日消業已遠去下馬牌而泗

城護隄根外已露有乾灘者矣而

玄宮巍然在上去下馬牌遠甚苟非洪荒之世淮水豈能濺及何者蓋由

祖陵原是土岡較泗州城高卑懸絕故城中之水未洩而城外之水已涸矣今據該州申稱隄外河灘已露而城水尚難開放則其故在於城地之窪而不在淮水之高矣今聞泗州士民流言遍布謂淮水至今尚浸

祖陵不情甚矣又臣於十月二十七日據海防道按

察使張允濟徐州道副使陳文燧潁州道副使王之猷等稟稱職等會勘

祖陵之時泗州士人指沱溝水濱土堆爲

三祖舊陵臣答之曰萬歷九年該州鄉官常三省會以此語載之揭中臣躬往閱視之則見

祖陵東南隅沱溝水通流之處藜藿中土堆在焉問之並無

封號視之原無封植若指此爲

三祖舊陵則

國初封樹

玄宮巍然高峙于尋丈之上而爲萬世臣民瞻仰者  
豈有誤耶且

高皇帝御製碑文昭如星日並無有所謂

舊陵者亦豈有誤耶衆皆相顧駭嘆危詞激語惟欲  
動人而不自知其淪于不臣甚矣且伏秋之  
水無處不漲冬春之水無處不消此氣候之  
必然者而泗人乃謂淮水至今未消寧有是  
理哉語有之衆口爍金頽毀銷骨臣不足惜

獨慮我

皇上孝思純篤上厯

聖衷故敢備將地方官開報水勢據實奏

聞其會勘過緣由已經具本會題恭候該部覆奉  
明旨施行無容再贅外爲此謹具題奉

聖旨工部知道

併勘河情疏

臣潘季馴謹

題爲衰庸歸骨有期犬馬戀



王尤切謹以熟試河情瀝血具陳恭候

聖明採擇事臣自嘉靖四十四年至今以河事

君父者凡四任矣壯於斯老於斯朝於斯暮於斯或採之輿情或得之目擊或稽之已往或驗之將來水有性拂之不可河有防弛之不可地有定形強之不可治有正理鑿之不可故厭常者每欲棄舊以更新而臣則以爲

祖宗二百餘年之故道必不可失也泥成說者每欲支分以殺勢而臣則以爲黃河之濁流必不

可分也臣執此以治河者前後一十二年矣而不意去秋霖霖連月河水滔天物議遂騰牢不可破夫當伏秋暴漲之時兩河並高人言無足怪也而寧知漲之必有消乎以方漲之可而律之旋消之後不可也人見其水盈及隄輒謂隄可棄也而寧知防潰則水泛外洩則中乾不數日而水落岸出河安如故固隄所以存河乎行者止見其漲而不見其消談者不聞其消而惟聞其漲一人言之百人

從而和之若謂水之有漲無消而冬春之河  
猶然伏秋之河也而不知其大有不侔者耳  
倘觀其漲復觀其消則全河之形勢皆在目  
中自無臆度之說矣臣已去矣墓木拱矣何  
敢以筆舌與人爭曲直哉且議者原無怪臣  
之心見者言其所見聞者言其所聞凡以爲  
國也臣器局拘孿才識短淺非兩河之故道不敢  
循非先哲之成規不敢蹈曾不能別輪一籌  
以新天下之耳目臣亦自憎其無當矣而况

於人乎但慮天下之事議論多者成功或毀  
興作侈者工費自煩支離勝者正道必廢有  
宋竭天下之財力以事河而國以大敝卒之  
橫潰決裂不可收拾者職此故也故敢備述  
人言之最易惑衆最能病河者逐一詳解于  
後伏乞

敕卜工部覆行勘河工科右給事中張貞觀逐一踏  
勘廣詢博訪如以臣言爲是則當安常處順  
毋事更張如以臣言爲非則當易轍改絃勿

循故態務求畫一之論以爲永賴之規若築  
舍道傍疑心信耳今日之案墨未乾明日之  
新議復起無論衰病如臣卽壯猷任事忠勤  
敏練如將來者亦何所措手哉故敢冒昧具  
陳伏望我

皇上俯垂鑒照曲

賜矜原臣無任激切屏營之至謹題請

旨

計開

一議者謂水勢宜殺黃水暴漲何不多濬  
支渠以殺之乎臣曰此分合之說正所  
當辯也分流誠能殺勢然可行於清水  
之河非所行於黃河也黃河斗水沙居  
其六以四升之水載六升之沙非極迅  
溜湍急則必淤阻分則勢緩勢緩則沙  
停沙停則河飽飽則奪河河不兩行自  
古記之藉勢行沙合之者乃所以殺之  
也又謂水漲之時暫開決口以分其流

水落復塞此言誠似有見但塞決如升  
天之難費亦不貲臣於萬歷八年築有  
崔鎮徐昇季太三義肆減水石壩於桃  
源縣遙隄中壩與地平水浮則洩此與  
開決之說無異而水遇石止難於深刷  
可無奪河之虞水落歸漕壩復如故可  
免塞決之費此外不須另開決矣伏乞

聖裁

一議者謂舊河沙墊底高不若另覓新河

之爲得也臣曰沙固易停亦易刷卽一  
河之中溜處則深緩處則淺水合沙刷  
必無俱墊之理此淺彼深亦無妨運之  
事人見伏秋水高輒歸罪于沙墊殊不知此水高于面非沙高于底也如使河  
底果爲沙墊則冬春水落岸出之時舟  
膠不能行矣且去秋蘇松報稱水溢入  
城七尺湖廣報稱公安等處隄爲深淵  
亦豈以沙墊底高而然乎藉今因此而



欲棄故道別鑿新河無論其無所也即  
得便宜之地而鑿之人力能使濶百丈  
以至二百丈深二丈以至三四丈如故

河乎即使能之將置黃河於何地乎如  
不可置則行之數年新者舊矣河何擇  
於新舊舊則淤新則不淤非臣之所能  
解也且禹之治水九河曰疏濟漯曰滄  
汝漢曰決淮泗曰排傳者曰疏通也滄  
亦疏通之意辨決皆去其壅塞也蓋天

地開闢之初卽有百川四潰原自朝宗于海禹但去其壅塞以復天地之故道耳凡民知識不逮神禹遠甚乃欲棄故從新乎議者又謂徐邳非黃河之故道也然獨非泗沂之故道乎禹貢所謂導淮自桐栢東會于泗沂卽此河也志稱宋神宗十年河大決于澶州合南清河而會于淮南清河者卽泗沂也行之六七百年是以黃河之故道也伏乞

聖裁

議者謂賈讓有云土之有川猶人之有口也治土而防其川猶之鬼疇而塞其口故禹之治水以導而今之治水以障何也臣曰昔白圭逆水之性以鄰爲壑是謂之障若順水之性以隄防溢則謂之防河水盛漲之時無隄則必傍溢傍溢則必泛濫而不循軌豈能以海爲壑耶故隄之者欲其不溢而循軌以人於

海正所以導之也考之禹貢云九澤既  
陂四海會同傳曰九州之澤已有陂障  
而無決潰四海之水無不會同而各有  
所歸則禹之導水何長不以隄哉議者  
又謂水愈高則隄愈增不將隆隄于天  
乎臣則曰若謂河水有長無消耶亦豈  
以隄外卽水耶隄外爲灘灘外爲河平  
時水不及灘隄若贅疣伏秋異常之水  
亦止丈許始逾灘而及隄然或三日或

五日或七日或旬日卽復歸落于潛隄  
之高者不過踰丈何能隆之于天也至  
如俯闚城廓之說有目者所共睹不必  
辯矣伏乞

聖裁

議者向謂昔年徐呂二洪怪石嶙峋上  
浮水面湍激之聲如雷如霆舟觸之必  
敗今皆無聲得非沙掩其上而然乎臣  
曰二洪本體甚高沙能掩之是無徐州

矣徐州洪爲工部主事郭昇戴鰲陳穆  
先後剗鑿志所謂翻舟等石悉去無餘  
又云盤踞橫突隱見於波濤之間激飛  
湍而鳴雷霆者剗削殆盡是也呂梁洪  
爲工部主事陳洪範所鑿先臣大學士  
徐階記中所稱獐利如劍戟之相向虎  
豹獅象之相攫犬牙交而蛇蚓蟠者怪  
石盡去舟行如出坦途是也自諸臣鑿  
平之後往來更無覆溺之患厥功甚大

蓋此時隅因黃河他決二洪爲涸天假  
之便以成諸臣之功而不知者遂謂洪  
爲沙掩耳又有病其剗鑿之後水不激  
石故不能刷沙則誤矣夫水之激石止  
在水面豈能刷及河底之沙且自河南  
至雲梯關海口幾二千里惟徐呂五十  
里內有此二洪縱能刷沙豈能刷及二  
千里耶不以諸臣爲功而以爲罪免哉  
乎其言之矣伏乞

聖裁

一議者謂雲梯關海口沙塞以致兩河停蓄不流有之乎臣曰黃河自星宿海經崑崙山萬里而來俱從雲梯關出海並無他處分洩海口果塞兩河豈有不停之理但自春徂冬自朝及暮滔滔東下迅溜湍激何嘗有一息停蓄如其停也則水當有長無消矣乃朝而長暮而消或今日長明日消消有多寡有遲速



必無長至旬日而不消者而大分與伏  
秋長多消少冬春長少消多上源雨多  
則長雨霽則消此一定而不可易者海  
口旣塞則所消之水何往耶臣往歲嘗  
親至雲梯關閱視海口深濶人言付之  
一笑萬歷十九年十月臣復行淮安府  
同知趙垌率同海州知州路擘安東縣  
知縣楊日采贛榆縣署印判官王守正  
親往海口踏勘回稱職於十月二十三

日督同各州縣掌印官及備倭陳指揮  
把總李大經等親履其地勘得雲梯關

以下自夾套至十一套面濶三五七八  
里及十里不等水深一丈五六尺及二  
三丈不等滔滔迅駛原無隘窄至云對  
口有橫沙一段在四十里之外望之不  
見潮長上可行舟潮退尚深三四尺人  
言自來如此並無淤梗及又查得各套  
俱不通海等因在卷料想之語未足深

聽伏乞

聖裁

一議者謂黃高于徐淮高于泗可不爲之處乎臣曰不能也非不爲也自河南開歸以至淮安之安東其地皆卑于河不獨徐泗爲然也如黃而可卑則湯遷于亳仲丁遷囂河亶甲遷相祖乙遷耿盤庚遷殷凡以避河也而何其不憚煩如此也淮而可卑則宋景祐三年泗州張

守不必築護城隄三丈三尺以捍之矣  
此載在志傳中可考也如有能卑河以  
就地者臣當其辜何敢辭哉以上數端  
言若有理而聽之不覺其深信事若可  
從而行之必至於病河臣身雖已去

國臣心猶在此河故敢不避煩瑣而復爲嘵嘵如  
此亦自盡其犬馬之心耳不敢必其見  
亮於人否也伏乞

聖裁